

AWEMainta

E DIFERENCIA DEN NOTICIA

GOBIERNO TIN PARLAMENTO PARCIALMENTE SECUESTRA FOR DI 2017



EDITORIAL

3

E RESULTADO DI 'CALIDAD VS CANTIDAD'
**DEFICIENCIA
DEN CUIDO MEDICO**

**VUT-REGLING NO
TA LOKE CFT Y HULANDA
A PIDI GOBIERNO**

4

**CAFT TA CONCLUI CU
ARUBA TA CUMPLI CU TUR NORMA
FINANCIERO DEN AÑA 2023**

7




Stop Searching!

M-Files
Document Management

- System Neutral, Metadata Driven
- Cloud, On-Premises, or Hybrid
- Automated Workflows and Security
- Seamless Integration with: Microsoft Office,
- Dropbox, GoogleDrive, DocuSign, AdobeSign

Tel. 583-7072 | info@vcc-int.com | www.vcc-int.com



Gobierno tin Parlamento parcialmente secuestra for di 2017

DEN un comunicado di prensa, e organisacion di pensio-nadonan, esta OPPA, a cuestiona e forma di procede di Parlamento di Aruba y a dirigi un carta na Presidente di Parlamento sr. Edgard Vrolijk, pa pidi mas respet pa pueblo di Aruba.

Den e carta Presidente di OPPA, sr. Ivo Valdes ta cuestiona e falta di responsabilidad di Parlamentarionan kendenan tin e tarea principal di controla maneho di gobierno loke no a resulta di e ta caso pa algun tempo caba.

Entre otro OPPA a señala den su carta cu *“cu ta hopi cla cu no (parlamento) no ta controla ministernan di un forma transparente y integro riba nan maneho”*, loke mayoria di comunidad ta comporta e opinion aki.

Fuera di OPPA y tambe ARA siman cu a pasa, a cuestiona varios asunto sospechoso di e maneho di Gabinete Wever-Croes II entre otro e maneho cu a bin ta tumando luga pa loke ta companianan di utilidad.

AWEMainta tin cu muestra aki cu tin un situacion, en realidad un mentalidad politico nobo, caminda pa falta di caracter y falta di integridad di varios Parlamentario, gobierno for di 2017 a bin ta haci loke cu e kier, entre otro ta tuma decisionnan sin cu a discuti esaki cu Parlamento, ta firma acuerdonan cu te dia di awe ningun hende sa di e consecuencianan pa pueblo.

For di momento cu Gabinete Wever-Croes na 2017 a hura-menta pa dirigi e pais aki, gobierno a transforma e frac-cionnan cu tabata sostiene gobierno, den marionetanan di gobierno y ta loke Gabinete manda pa Parlamento haci, esey a tuma luga den e coalicion di MEP-POR-RED.

Na 2012 despues di eleccion, a surgi mesun situacion ya cu e partido nobato di e lider Ursell Arends, pa falta di experiencia politico, *“sin querer queriendo”* a dicidi di presta su mes pa mesun tipo di secuestro aki, caminda 9 Parlamentario di MEP a cera cabes cu e dos Parlamentarionan di RAIZ, pa ehecuta loke gobierno ta dicidi cu tin cu sosode den Parlamento.

Un proceso caminda gobierno di Prome Minister Evelyn Wever-Croes, a *“isola”* miembronan di oposicion por completo caminda nan no tabatin nada di bisa, a pesar cu e tres fraccionnan den oposicion, a ricibi mas sosten di pueblo votado cu e dos nan cu ta sostiene e gobierno.

OPPA tin rason, pero aki tin cu muestra cu e posicion di OPPA hunto cu otro gremionan, nunca a ser manifesta anterior-mente sabiendo cu e abuso aki a bin ta tumando luga.

Tambe ta hunga un rol cu e dos fraccionnan cu ta sostiene e coalicion actual, a opta pa keda hunto, a opta pa pone tur acto incorrecto y ilegal un banda ya cu interes partidista ta riba tur otro cos, hasta ariba e mensahe politico di partido RAIZ cu semper a insisti cu *“Nos no ta Nan.”*

Tremendo e posicion asumi pa OPPA y ARA pero e comun-idad aki ta conta cu varios otro instituto cu ta para mira kico ta pasando y ta guli manda’bou, mientras cu nan tambe tin e poder pa por a lanta para, vocifera nan posicion y para e abuso di poder di Gabinete Wever-Croes II.

Number di e Parlamentarionan, kendenan a bira lomba pa pueblo, ta conoci y nan falta di caracter, nan falta di weso di lomba pa sirbi interes di pueblo riba interes personal y partidista, tin cu wordo husga pa pueblo den futuro ya cu ta unico forma cu Parlamento den futuro lo bira bek Parlamento di Pueblo!!

Reorganizando Post Aruba N.V.

“Post Aruba N.V. pa hopi aña ta pasando den dificultad financiero y mester wordo reorganisa pa haci e compania financieramente y operacionalmente stabiel.”

Den cuadro di reorganizacion di Post Aruba N.V. diabierna ultimo a palabra, mientras cu lo inicia cu e proceso pa busca un director nobo pa Post Aruba N.V., cu lo traspasa e tareanan di e director di Post Aruba N.V., Sr. Guillermo Raymond, temporalmente pa Sra. Esther Gomes y Sr. Ramoncito Croes.

Sra. Esther Gomes actualmente ta legal manager na Post Aruba N.V. y Sr. Ramoncito Croes ta actualmente operations manager.

Mi ta gradici Sr. Guillermo Raymond pa su 40 aña di servicio na Post Aruba N.V.

Ministerio di Asuntonan Economico, Comunicacion y Desaroyo Sostenibel lo mantene comunidad informa riba e desaroyonan di Post Aruba N.V.”

- Minister Geoffrey Wever.

EDITORIAL

E resultado di ‘calidad vs cantidad’

Deficiencia den cuidado medico

SIMAN pasa AWEMainta a publica un articulo ilustrando e situacion den Aruba su sector di cuidado na unda cu pashentnan, a pesar di tin un carta di referencia pa tratamiento, no por logra haya un cita debi na cu tur e dunadonan di cuidado ta yen. Den combersacion cu varios dunado di cuidado AWEMainta a haya un poco mas informacion tocante e desafionan cu nos dunadonan di cuidado ta enfrenta den organisa nan trabou, como tambe e moratorio cu tin den full e sistema medico cu ta haci cu no lo tin suficiente proveedor di cuidado p’e demanda creciente cu tin pa cuidado medico riba nos isla. Si tene den consideracion cu p’e siguiente añanan lo no bin ningun cambio of desaroyo riba tereno medico, manera cu a wordo delinea den e ‘zorgakkoord’ en todo caso pa sectornan cu no ta wordo considera como cuidado di prome liña, e pregunta cu ta resalta, kico ta bay pasa cu e cantidad di pashentnan cu awor caba no ta logra haya e cuidado cu ta rekeri y ta wordo receta.

Cantidad vs Calidad of por yega na un balansa?

Durante ultimo añanan por a nota un expansion den entidadnan di ‘maneho di calidad di cuidado; manera Inspeccion di Salud, como tambe e instituto di calidad, a introduci ‘kaders’ (BIG/ AruBIG) den cual dunadonan di cuidado lo mester adheri nan mes na dje, limitando cada bes mas e libertad profesional y posibilidad pa por cumpli cu tur e rekisitonan aki, limitando tambe e posibilidad pa haya profesionalnan cu ta cumpli cu tur e exigencianan aki na momento cu ta busca profesionalnan pa bin traha den e ramo medico na Aruba. A pesar di cu e obhetivo pa sigura un standard halto den calidad di cuidado ta uno necesario y noble, no por cera wowo p’e hecho cu un calidad halto di cuidado ta bal poco si no tin e cantidad suficiente di proveedor cu ta ‘fit’ e perfil cu ta exige, pa acapara e cantidad di cuidado cu e poblacion di Aruba tin necesidad di dje.

Por mira den tur media local y hasta riba plataformanan di media internacional constantemente vacaturanan pa profesionalnan medico, cu ta core pa lunanan largo, dunando e indicacion cu ta hopi dificil pa haya personal capacita conforme e rekisitonan cu ta desea. Sea cu e capacidad aki ta scars of e condicionnan y ambiente di trabou cu Aruba por ofrece no ta atractivo suficiente pa atrae e nivel di profesional cu Aruba ta ambiciona.



Pa hopi tempo a hiba e discusion tocante e habilidad profesional di mediconan (local) studia den region. A pesar di cu ora e capacidad di cuidado na Aruba wordo sobrepasa, of ora e cuidado specialisa no ta obtenibel na Aruba (ainda), pashentnan ta wordo manda afo, pa clinicanan den region, dokternan studia den region practicamente no ta wordo considera na momento cu vacaturanan no por wordo yena, incluyendo dokternan Arubiano studia den region.

E sentimiento rond di e tema aki ta cu Arubianonan cu a studia den e region ta wordo discrimina. Aunke tur hende a caba nan estudio, ta compara e sistema di enseñansa na cuanto aña a studia na un locacion determina y ta compara esaki cu loke ta necesario na Hulanda. Mirando e debe halto cu ta wordo acumula durante 12 aña di estudio na Hulanda, no ta straño cu e opcion di studia den e region ta bira mas y mas atractivo p’e studiantenan cu no kier caba nan estudio cu un debe astronomico riba nan cabeas.

Si acaso e diferencia den conocimiento y calidad di cuidado entre estudionan mundialmente en berdad ta asina halto, con por t’e ora cu na otro paisnan pashentnan ta sobrevivi? Dicon e mesun dokternan aki, trahando na un hospital den region si ta habil na momento cu pa scarsedad di capacidad of pa falta di specialisacion na Aruba pashentnan wordo manda afo. Dicon e mes dokternan aki cu a studia den region, incluyendo Arubianonan, ta wordo acepta na nos hermana isla Corsou si, pero na Aruba nan ta wordo trata como dokternan di segundo rango?

Kisas a bira ora pa na Aruba stop di purba bula cu hala di manteca. Tanto bal ta cana pronkia cu e ilusion di un ‘standard di calidad halto’ si no ta haya personal suficiente pa ehecut’e y no tin e fondonan pa financi’e.

VUT-regeling no ta loke CFT y Hulanda a pidi gobierno



FOR di 2017, tabata Prome Minister Evelyn Wever-Croes kende a firma su prome protocol di Hulanda, caminda den su ansha pa firma algo cu gobierno Hulandes a pidi, e lider di MEP a dicidi di mara henter e pais na man cu pia den un intento pa reduci gasto halto di personal den gobierno.

Un di e prome acuerdonan firma cu gobierno di Mark Rutte, tabata caminda e gobierno di MEP-POR-RED, lo a acepta pa reduci gasto di personal formalmente y p'esaki lo a acorda cu lo manda entre 1500 pa 2000 trahado publico cas.

Un acuerdo cu nunca ningun di e dos gobiernonan di Evelyn a respeta, al contrario si analisa reportahenan di CFT riba e particularidad aki, na luga di manda hende cas e dos gobiernonan di Evelyn Wever-Croes a sigui aumenta gasto di personal creando varios departamento nobo, algun cu ningun hende tin nocion di kico nan ta haciendo of kico en realidad nan ta representa.

Gobierno a bay asina ley na introduci departamentonan caminda a aloca un serie di famia di mandatarionan di e actual gobierno y recientemente a bira conoci cu e compania nacional di RdA, practicamente no ta produciendo entrada pero sin tin un serie di trahadonan den servicio mayoria cu ta ruman di un of otro minister, primo di otro minister loke ta causando un aumento di gasto di personal innecesariamente.

Reduccion di e cantidad di personal di gobierno, ta forma parti di e Landspakket acorda pues lo yega e momento cu gobierno tin cu manda trahado cas manera a haci palabra-

cion cu gobierno Hulandes.

Aki ta bon pa señala cu Prome Minister den pasado a dicidi cu maneho di su gobierno lo encera trahando un tipo di evaluacion di trahadonan den diferente departamento di gobierno cual lo bira responsabilidad di hefe di e departamentonan aki.

Mas c'un año despues di haci e anuncio aki, ningun documento a wordo presenta, ningun trahado a wordo analisa mientras cu gasto di persona a sigui aumenta y un biaha mas Prome Minister no a cumpli cu loke el a palabra y acorda cu Hulanda.

ARA siman pasa tambe a musta e maniobranan cu gobierno di ultimo dos periodonan a bin ta haciendo cu companianan estatal y a bolbe musta cu gobierno tin cu keda leu di esakinan pero con esey lo bira posibel, ningun hende ta na altura.

Varios di e companianan aki ta ser dirigi n'e momentonan aki pa funcionarionan yega na gobierno y na varios Minister y hasta a nombra "swa y ruman di swa" den funcionnan clave p'asina gobierno retene control di kico lo haci y con nombramento di personal tin cu tuma luga.

E proyecto di VUT regeling a ser presenta na cuater ocasion p'e dos gobiernonan di Evelyn Wever-Croes pero ningun di nan a resulta den un exito significativo cu lo a yuda na reduccion di gasto di personal y esun anuncia diabierna ultimo, tampoco lo conoce un interes grandi ya cu ningun trahado kier bay cas awor cu gobierno a dicidi di atende cu indexing cu placa cu a drenta di mas na impuesto pa gobierno.

Candela grandi ta menasa cas na matadera

DIALUNA merdia pasa di 2:30pm e habitantenan di Matadera a bati alarma pa un candela grandi cu pocopoco tabata yegando nan cas.

Inmediatamente a manda un unidad di bombero n'e sitio. Mientrastanto cu e unidad tabata na caminda, e habitante mes a dicidi coy su slang y cuminsa na paga e candela, p'asina evita cu su mesun cas a coy candela of ricibi daño di esaki.

Tin di remarca cu netamente riba e dia aki, hopi hende ta probecha cende sushi na candela, uzando e pretexto di Dia di San Juan, un dia cu normalmente ta cende yerba of palo na candela ilustrando e simbolismo di purificacion y habri caminda pa uno nobo.

Pero sigur esaki no a musta di ta un comienso nobo, sino un peligro p'e bario, no solamente p'e huma, pero tambe e peligro di expansion, den e caso aki, cu a hera cende un cas na candela.



Gana Un Trip pa **FINAL COPA AMÉRICA**

CU TUR COS PAGA!






JOIN POSTPAID U
AWOR CU MAS DATA, MAS BENEFICIO Y
YAMADA ILIMITA PA SETAR

 **SETAR**

Varios detencion a cay

A controla por lo menos ocho shen vehiculo durante control policial nacional



DIABIerna anochi Cuerpo Policial Aruba a tene un Control Policial Nacional den tur distrito rond di Aruba. A enfoca principalmente ariba maneha un vehiculo bou influencia pero como tambe a parti diferente sorto di boet.

Den total a controla 800 vehiculo di motor di cual tabata tin:

- Mas cu 100 boet pa infraccion den trafico
- 31 detencion pa maneha bou influencia di alcohol
- 2 detencion pa droga
- Prohibicion pa core of bou influencia riba caminda publico tabata 13
- Y 1 vehiculo a wordo tuma den beslag

Danki na tur nos agentenan policial cu a percura pa nos camindanan ta sigur como tambe un tremendo cooperacion di e departamento di Cuerpo Especial Arubano (CEA).

Cuerpo Policial Aruba ta pone enfasis cu e control aki lo sigui. Tanto mainta, atardi, anochi of marduga! Pa un trafico mas sigur pa nos comunidad!

Reserva Awo!

aa.com

American Airlines

**Ban Miami
pa zomer vakantie!**

Book bo aventura
pa Miami cu
American Airlines

Minister Maduro di Finansa ta informa:

CAFT ta conclui cu Aruba ta cumpli cu tur norma financiero den año 2023

Trabou serio ta duna resultado concreto y positivo na bienestar di Pais Aruba



Oordeel

De vierde UR toont een voorlopig overschot in de collectieve sector van AWG 282 miljoen. Dat is 4,0 procent van het bruto binnenlands product (bbp). Aruba voldoet daarmee ruimschoots aan de norm voor het financieringsoverschot uit de LAft en het protocol²⁻³ en aan de voorgeschreven tekortcompensatie.⁴ Ook voldoet Aruba aan de personeelslastennorm en ontwikkelt de schuldquote zich in lijn met de afspraken daarover uit het protocol. Het CAft spreekt zijn waardering uit voor deze positieve resultaten en adviseert Aruba conform de LAft het gehele overschot in te zetten voor schuldaflossing aangezien het aangaan van nieuwe investeringen voor 2023 niet meer mogelijk is. Voor 2024 en verder adviseert het CAft de budgettaire ruimte prudent te benutten door lasten te beheersen en prioriteit te geven aan investeringen boven consumptieve uitgaven.

RECIENTEMENTE e colegio di supervision financiero CAFT a publica nan opinion riba e cifranan di e ultimo kwartaal di año 2023 manera cu Gobierno a publica den e Uitvoeringsrapportage URK 4. En corto, CAFT ta conclui cu Aruba ta cumpli cu tur norma financiero den año 2023. Ta trata di un surplus di 1% di GDP of mas, gasto di personal bou di 479 miyon florin y debe cu ta baha.

Surplus mas grandi cu 1% di GDP

Un norma financiero cu Aruba a acorda cu Hulanda pa mehora nos finansa publico ta, pa e sector colectivo por tin un saldo financiero di un surplus di 1% di GDP of mas. Den año 2023, debi na crecimiento economico grandi, prudencia den presupuesto y disciplina presupuestario, a logra un resultado financiero positivo cu a hiba na un surplus di 4% di GDP pa e sector colectivo di Aruba. Cu esaki Aruba ta cumpli cu e norma financiero pa por tin un surplus di mas di 1% di GDP den Presupuesto 2023.

Gasto di personal bou 479 miyon florin

Den año 2023, e gasto di personal mester keda bou di 479 miyon florin. Asina mes cu Gobierno den año 2023 a bay over na paga 100% di salario na e empleado publico, e gastonan di personal a suma 467 miyon florin kedando asina bou di e norma pa gasto di personal. CAFT ta remarca cu desde 2022 nan ta mira cu gasto di personal ta keda baha cumpliendo asina cu norma pa keda baha gasto di personal.

Debe ta baha conforme plan

E quota di debe a baha te na 79% di GDP den año 2023, un bahada di 12 punto di porcentahe compara cu año 2022. Cu esaki Aruba ta bon riba rumbo pa cumpli cu e norma di un quota di debe di 70% di GDP den año 2027 y un quota di debe di 50% di GDP den año 2039. Pues e debe di Aruba ta bahando conforme plan.

CAFT cu elogio pa Aruba

Den e rapport riba e cifranan di e ultimo kwartaal di año 2023, CAFT ta duna elogio na Gobierno di Aruba pa e resultado financiero positivo. E cifranan di e ultimo kwartaal di año 2023 por wordo mira riba www.gobierno.aw y e rapport di CAFT por wordo mira riba www.cft.cw. Minister Maduro ta gradici tur instancia y persona cu ta haci esfuerso grandi pa mehora e finansa publico di Aruba. Trabou serio ta duna resultado concreto y positivo na bienestar di Pais Aruba.

Reserva Awo!

avianca.com

Ban Medellin!

the sky belongs to all of us

Tur Dialuna,
Diaranson, Diabierna
y Diadomingo

CUMINSANDO NA

US\$100

pa Round Trip

ARUBA AIRPORT AUTHORITY

Rusia ta culpa Merca pa atake mortal di Misil Ucraino na Crimea



RUSIA a acusa Merca di responsabilidad pa un atake di misil Ucraino riba e península di Crimea cu Rusia a anexiona, cu a causa morto di cuatro persona, incluyendo dos mucha, y herida di 151 otro. E atake, cu a uza misil ATACMS (sistema di misil tactico di herment suministra pa Merca), a tuma luga diadomingo.

Segun Ministerio di Defensa Ruso, cuater di e cinco misilnan ATACMS, ekipa cu cabesnan di cluster, a ser intercepta pa e sistema di defensa aereo, mientras cu e municion di e di cinco a detona den aire. Imagen transmiti pa television di estado Ruso tabata mustra hendenan cu tabata huy for di un beach, y algun tabata wordo carga riba 'beachbeds'. E fragmentonan di e misil a cay banda di un beach na e banda nort di Sevastopol, unda e localnan tabata vacaciona.

Ministerio di Defensa a afirma cu specialistanan Mericano a

establece e coordinadonan di vuelo di e misilnan basa riba informacion di satelite di spia Mericano, cu a responsabilisa Washington directamente pa e atake. *"E responsabilidad di e atake delibera cu misil contra e civilnan di Sevastopol ta cay principalmente riba Washington, cu a suministra e armanan aki na Ucraina, y riba e regimen di Kiev, for di cual e atake aki a tuma luga"*, e ministerio a declara.

Rusia a anexa Crimea na 2014, mirando Crimea como parti di su teritorio, aunke comunidad internacional ainda ta considera Crimea como tera di Ucraina. Merca a cuminsa provee Ucraina cu misilnan ATACMS di mas largo alcance, cu tin un alcance di 300 kilometer (186 mi), na cuminsamento di e aña aki.

E gobernador di Sevastopol, Mihail Razvozhaev, a informa di un saldo di cuatro morto y 144 herido, incluyendo 82 hospitalisa. Entre e heridonan tabata 27 mucha. E dokternan especialista a wordo transporta pa avion for di otro parti di Rusia pa yuda.

Kremlin a declara cu presidente Vladimir Putin tabata den contacto constante cu militarnan desde e atake. Dmitry Medvedev, Vicepresidente di e Consejo di Siguridad, a condena e incidente como *"un acto vil y despreciabel contra nos pueblo."*

Patriarca ortodoxo Ruso Kirill tambe a condena e atake, señalando cu esaki a sosode den e fiesta ortodoxo di Trinidad. Ni Ucraina ni Merca a comenta riba e incidente.

E atake aki a tuma luga e mesun dia cu Ucraina a informa di un persona morto y 10 herido pa atake Ruso den e ciudad oriental di Kharkov. Putin a acusa Merca sistematicamente di uza Ucraina pa socava siguridad Ruso, un afirmacion nenga pa Kiev y su aliadonan occidental. El a adverti riba e riesgonan creciente di un confrontacion directo entre Moscu y e alianza di NATO lidera pa Merca.



Bin bishita nos y probecha!

Paña di bon calidad na bon prijs.

Adres: Avenida Milio J. Croes 47 local 3
Telefon: 5646733 – 5653466
E-mail: info@carlymar.com

Vuelo di KLM ta bolbe Schiphol pa un problema tecnico

UN vuelo di KLM cu tabata bay Rio de Janeiro mester a regresa inesperadamente na Aeropuerto di Schiphol pa motibo di un problema tecnico cu a wordo haya na nort di Francia. E Boeing 777, cu tabata opera como vuelo KL 705, a aterisa sigur sin peliger pa pasaheronan. E naturalesa specifico di e problema tecnico no a keda revela pa funcionarionan di KLM.

E vuelo tabata den aire pa mas o menos cuarenta minuut ora e pilotonan a dicidi di bolbe Amsterdam. Como precaucion, e avion a keda bula over e North Sea pa descarga combustibel, reduciendo su peso pa un aterisahe mas sigur. Control di trafico aereo a confirma cu kerosin a wordo basha riba lama, y e servicionan di emergencia tabata den espera na Schiphol, manera t'e procedura standard den tal casonan.

Un vocero di KLM a bisa cu e pasaheronan nunca tabata den peliger real. A haci areglonan pa nan sigui nan biahe pa Rio de Janeiro riba un vuelo diferente e mesun dia. A pesar di e interupcion, e medidanan di seguridad a sigura cu tur pasahero a keda sigur durante henter e incidente.

Joris Melkert, un experto den aviacion di TU Delft, a splica cu aterisahenan preventivo manera esaki ta bastante comun den e industria di aviacion. E la señala cu ora e pilotonan topa cu un problema cu nan no ta sigur di dje, ta mas sigur pa bolbe n'e base di operacion, unda tecniconan cualifica por inspecciona y trata e problema. E decision aki ta duna prioridad na seguridad y ta garantisa cu ta haci control amplio.

Sinembargo, un inconveniente significativo di tal incidentenan t'e impacto financiero di e bashamento di combustibel. Melkert a bisa cu basha casi tur fuel di e avion riba lama ta rekeri hopi tempo y ta caro. E incidente aki ta suma n'e retonan reciente di Boeing, ya cu e fabricante di avion ta keda bou di scrutinio pa varios problema tecnico cu su avionnan. Autoridadnan regulador Mericano ta investigando posibel irregularidad den e procesonan di inspeccion di Boeing.



WE ARE HIRING

SUPER Do it Center.

CASHIERS

FULL TIME OR PART TIME

Starting salary AWG 2250,-

BENEFICIONAN ADDICIONAL

- ✓ Bonus fin di aña
- ✓ Seguro di bida
- ✓ Seguro dental
- ✓ Seguro di bista
- ✓ Bonus pa mas transaction
- ✓ Bonus pa perfect closing
- ✓ Bonus pa perfect attendance
- ✓ Descuento den full tienda
- ✓ Programa di 'wellness'
- ✓ Pension regla

APPLY NOW

hr@doit.aw



Compania di Software CDK Global ta plania pa paga un rescate

Despues cu un 'cyber attack' a paralisa comercio di auto



CDK Global, un proveedor importante di software pa miles di dealership di auto na Nort America, ta planea pa paga decenas di milyon di dollar den rescate despues cu un 'cyber attack' a interumpi operacionnan gravemente. E grupo di pirata informatico, cu ta kere cu ta basa na Europa Oriental, a exigi pago substancial, segun un fuente anonimo.

Desde cu a descubri e violacion riba 19 di juni, CDK a cera su sistemanan, cu a causa un caos den mas o menos 15,000 dealer di auto cu ta depende di su servicionan. E sistema di maneho di dealers (DMS) di CDK ta integral pa casi tur aspecto di e operacionnan di un dealership, incluyendo benta, servicio, parts y almacenamiento di vehiculo. E interupcion a obstaculisa benta, a retrasa reparacion y a interumpi entrega den henter e industria, generando mas di 1.2 biyon den benta na Merca aña pasa.

"Ta solamente un caos masivo na e momento aki", Diana Lee, director ehecutivo di Constellation, un agencia di marketing cu ta traha cu dealers di auto, a bisa na Bloomberg Television. *"E dealernan ta rekeri un DMS pa practicamente tur e funcionalidad y sin esaki nan no por opera eficientemente."*

CDK a restaura algun servicio brevemente riba 19 di juni, pero mester a desactiva nan despues di un segundo 'cyber attack'. E compania a adverti e distribuidonan cu nan sistema probablemente lo ta inactivo pa varios dia mas.

E demanda di rescate aki ta sigui otro atakenan significativo di ransomware, incluyendo un unda pirata di computer a busca \$ 50 milyon di un compania di servicio di laboratorio

cu a causa interupcion den hospitalnan na London, y otro na unda UnitedHealth Group Inc. a paga \$ 22 milyon den tarifa di extorsion prome cu e aña aki.

CDK no a revela e identidad di e piratanan informatico, pero a emiti un advertencia na e clientenan di posibel intento di fraude. *"Nos ta consciente cu actornan malo ta contactando nos clientenan, haciendo nan mes presenta como afiliacionnan di CDK pa haya acceso na e sistema",* e compania a bisa. *"Por favor, contesta solamente empleado y comunicacion conoci di CDK."*

E atake cibernetico a tin un impacto significativo riba e industria di dealers di auto, cu Sonic Automotive Inc. ta reportando posibel efecto negativo riba nan operacionnan. E compania a implementa solucion alternativo, pero ainda no a determina e impacto financiero total.

E empresa mayor di CDK, Brookfield Business Partners LP, a experencia su pio dia di negociacion for di october, cu e accionnan ta baha cu 5,7% riba diasabra y ta sigui baha riba diabierna. Gruponan di distribuidonan AutoNation Inc., Grupo 1 Automotive Inc., y Sonic Automotive Inc. tambe nan a mira nan accionnan cay memey di e interupcionnan cu tabata tumando luga.

Segun cu e situacion ta desaroya, e decision di CDK pa paga e rescate ta enfatisa e consecuencianan serio y e interupcionnan operacional cu atakenan di ransomware por inflica riba infraestructura empresarial critico.



SPAÑA vs ALBANIA

PROME pais pa clasifica p'e siguiente ronde cu 3 wega gana y cu 9 punto ta Spaña. Spaña a hunga cu basicamente full nan banki, incluyendo nan keeper. Nan pase ya tabata completo caba, pero cu e victoria aki nan a sigura nan prome luga den grupo B. Di otro banda Albania, ta keda afor, cu apenas 1 punto. Nan a ricibi e punto aki despues di un empate contra di Croacia.

Spaña awo lo bay enfrenta un di e miho nan na di tercer luga cu lo keda defini na final di e ultimo wega dia 26 juni. Ta premira si cu esaki lo por bira sea Hungría, Austria, Slovakia of Slovenia.



CROACIA vs ITALIA

E wega di mas dramático te ainda di e Copa Europeo aki. Tur 2 pais a subi veld cu e meta di gana. Esun cu gana lo a pasa na di 2 luga di Grupo B. Croacia, su capitan Luka Modric, kende ta su ultimo Euro Cup, a score na di 55 minuut. Un wega bon balansa despues, caminda por a nota un Italia cu a bay den defensa enbes di a sigui ataca. Despues di e 90 minuut reglamentario, e referee ta duna 10 minuut extra y aki Italia a tuma bentaha di esaki y ta empata e wega den di 98 minuut cu un bunita gol do Mattia Zaccagni. Esaki tambe ta duna Italia, kende nan ta haciendo nan regreso den e mundo di futbol internacional, e puesto #2 den Grupo B y ta manda Croacia cas. E siguiente wega den rond di 16 pa Italia lo ta contra di e ekipo di Suisa dia 29 juni 2024.



Grupo A

14 Juni 2024

Alemania

5-1

Scotland

15 Juni 2024

Hungria

1-3

Suisa

19 Juni 2024

Alemania

2-0

Hungria

19 Juni 2024

Scotland

1-1

Suisa

23 Juni 2024

Suisa

1-1

Alemania

23 Juni 2024

Scotland

0-1

Hungria

Grupo B

15 Juni 2024

España

3-0

Croacia

15 Juni 2024

Italia

2-1

Albania

19 Juni 2024

Croacia

2-2

Albania

20 Juni 2024

España

1-0

Italia

24 Juni 2024

Albania

0-1

España

24 Juni 2024

Croacia

1-1

Italia

Grupo C

16 Juni 2024

Slovenia

1-1

Dinamarca

16 Juni 2024

Serbia

0-1

Inglaterra

20 Juni 2024

Slovenia

1-1

Serbia

20 Juni 2024

Dinamarca

1-1

Inglaterra

25 Juni 2024

Inglaterra

Slovenia

25 Juni 2024

Dinamarca

Serbia



Rond di 16

29 Juni 2024 - Wega 38 - Runner up Grupo A vs Runner up Grupo B

29 Juni 2024 - Wega 37 Ganado Grupo A vs Runner up Grupo C

30 Juni 2024 - Wega 40 Ganado Grupo C vs 3de Grupo D/E/F

30 Juni 2024 - Wega 39 Ganado Grupo B vs 3de Grupo A/D/E/F

1 Juli 2024 - Wega 42 Runner up Grupo D vs Runner up Grupo E

1 Juli 2024 - Wega 41 Ganado Grupo F vs 3de Grupo A/B/C

2 Juli 2024 - Wega 43 Ganado Group E vs 3de Grupo A/B/C/D

2 Juli 2024 - Wega 44 Ganado Grupo D vs Runner up Grupo F



Stimami. Sterilisami.

REGISTRA AWO

Y BENEFICIA DI NOS SUBSIDIO CU TA
CUBRI TE CU 45% DI E COSTO DI
STERILISACION DI BO MASCOTA Y UN
MICROCHIP GRATIS!

PA MAS INFORMACION BISHITA:
WWW.STIMAMISTERILISAMI.COM



Kwart Final		
5 Juli 2024 - Wega 45 - Ganado Wega 39 vs Ganado Wega 37		
5 Juli 2024 - Wega 46 - Ganado Wega 41 vs Ganado Wega 42		
6 Juli 2024 - Wega 48 - Ganado Wega 40 vs Ganado Wega 38		
6 Juli 2024 - Wega 47 - Ganado Wega 43 vs Ganado Wega 44		

Semi Final		
9 Juli 2024 - Wega 49 - Ganado Wega 45 vs Ganado Wega 46		
9 Juli 2024 - Wega 50 - Ganado Wega 47 vs Ganado Wega 48		

Final		
14 Juli 2024 - Ganado Wega 49 vs Ganado Wega 50		



Grupo D		
16 Juni 2024		
Polonia	1-2	Hulanda
17 Juni 2024		
Austria	0-1	Francia
21 Juni 2024		
Polonia	1-3	Austria
21 Juni 2024		
Hulanda	0-0	Francia
25 Juni 2024		
Hulanda		Austria
25 Juni 2024		
Francia		Polonia

Grupo E		
17 Juni 2024		
Rumania	3-0	Ucrania
17 Juni 2024		
Belgica	0-1	Slovakia
21 Juni 2024		
Slovakia	1-2	Ucrania
22 Juni 2024		
Belgica	2-0	Rumania
26 Juni 2024		
Slovakia		Rumania
26 Juni 2024		
Ucrania		Belgica

Grupo F		
18 Juni 2024		
Turkia	3-1	Georgia
18 Juni 2024		
Portugal	2-1	Czech R
22 Juni 2024		
Georgia	1-1	Czech R
22 Juni 2024		
Turkia	0-3	Portugal
26 Juni 2024		
Georgia		Portugal
26 Juni 2024		
Czech R		Turkia



Grupo A

20 Juni 2024

Argentina

2-0

Canada

21 Juni 2024

Peru

0-0

Chile

25 Juni 2024

Chile

Argentina

25 Juni 2024

Peru

Canada

29 Juni 2024

Argentina

Peru

29 Juni 2024

Canada

Chile

Grupo B

22 Juni 2024

Mexico

1-0

Jamaica

22 Juni 2024

Ecuador

1-2

Venezuela

26 Juni 2024

Venezuela

Mexico

26 Juni 2024

Ecuador

Jamaica

30 Juni 2024

Mexico

Ecuador

30 Juni 2024

Jamaica

Venezuela

Grupo C

23 Juni 2024

Merca

2-0

Bolivia

23 Juni 2024

Uruguay

3-1

Panama

27 Juni 2024

Panama

Merca

27 Juni 2024

Uruguay

Bolivia

1 Juli 2024

Merca

Uruguay

1 Juli 2024

Bolivia

Panama

Grupo D

24 Juni 2024

Brazil

0-0

Costa Rica

24 Juni 2024

Colombia

2-1

Paraguay

28 Juni 2024

Paraguay

Brazil

28 Juni 2024

Colombia

Costa Rica

2 Juli 2024

Brazil

Colombia

2 Juli 2024

Costa Rica

Paraguay



DEPORTE

deporte@awemainta.com

Tyrrell Hatton ta gana e LIV Golf Nashville inaugural

Defendiendo su mes di Rahm y DeChambeau



TYRRELL Hatton a gana e evento inaugural LIV Golf Nashville riba diadomingo, resistiendo cu exito e desafionan di Jon Rahm y Bryson DeChambeau. E victoria aki ta marca e prome triunfo di Hatton desde januari 2021 na Abu Dhabi.

Drentando den e ronde final cu un bentaha di tres 'stroke', Hatton a tira un 6 bou di 65, terminando seis stroke dilanti cu un total di 19 bou di 194 na The Grove. Su actuacion a inclui ocho birdies y dos bogeys.

"E tabata agradabel pa hunga e ultimo buraconan y no tin competencia mucho preta", Hatton a bisa, reflehando riba su victoria. "Despues di no a gana pa tres aña y mei, bo ta puntra bo mes si bo por haci'e atrobe. P'esey mi tabata contento cu mi por a demostr'e na mi mes."

E evento aki tabata Hatton su di nueve desde cu el a uni cu LIV Golf, y su miho resultado anterior tabata un empate na di cuater luga. Su unico victoria den PGA tabata e Arnold Palmer Invitational 2020. E exito di Hatton tambe a contribui na su team, Legion XIII, sigurando su di tres titulo pa team cu captain Rahm anotando 68.

Rahm, hungando su prome evento desde cu el a recupera di

un infeccion den su pia cu a tene'e for di e US Open, no por a yega Hatton a pesar di un bon comienso. El a birdie tres di su prome cuater buraconan, pero el a sufri un setback den e di seis buraco par 4, caminda su tee shot termina den awa, loke a causa un dobel bogey.

DeChambeau, kende a empata na di tres luga cu Rahm, Joaquin Niemann (62) y Lee Westwood (66) cu 12 bou par, tabatin su mes frustracion. Den par 3 15, su putt pa birdie a dribble for di e buraco despues di a dal e pin.

Su compatriota Ingles Sam Horsfield a surgi demasiado laat cu cinco birdies den su ultimo nueve holes, terminando cu un 65 den 13 bao par.

E ronda a enfrenta un suspension cortico debi na un awasero torencial faltando cinco buraco. E wega a sigui despues di 22 minuut, permitindo Hatton completa su actuacion dominante y sigura e victoria.

Hatton su victoria na LIV Golf Nashville no solamente ta pone un fin na su racha sin victoria, pero tambe ta reforsa su posicion como un competido formidabel den LIV Golf series.



Mirrors Beauty Academy ta ofrece e siguiente servicjonan

Laba
Corta
Blowdry
Keratina
Cold Wax

Tinja
Highlights / Mechitas
Ombre / Californiana
Bayalage
Peinado

Makeup
Threading
Barberia
Manicure
Pedicure

Y
mucho
mas!

Tel. Alejandro: 564-4412 of 582-0110 • Whatsapp: 732-0110 of 566-0110 • Adres: Ponton 76 - Suite #3

Despues cu fanaticonan ta persigui Cristiano Ronaldo pa selfies

UEFA ta aumenta siguridad na Euro 2024

UEFA a anuncia mas medidanan di siguridad riba tereno pa Euro 2024 despues di un aumento den invasionnan di tereno, y e incidente mas notabel a envolve fanaticonan cu tabata persigui Cristiano Ronaldo pa saca selfies. E decision aki ta bin despues cu por lo menos seis fanatico a purba di saca foto cu Ronaldo durante e victoria di Portugal 3-0 riba Turkia na Dortmund riba diasabra.

Den un comunicado riba diadomingo, UEFA a confirma cu “*lo implementa medidanan di siguridad adicional*” den e 10 stadionnan cu ta carga e torneo na Alemania. Sinembargo, no a revela detayenan specifico di e protocolnan di siguridad actualisa.

UEFA a enfatisa cu cualkier incursion den e campo ta un violacion di e reglanan di e stadion, cu ta conduci na expulsion, prohibicion di tur wega di e torneo y un denuncia penal formal pa traspasa.

E invasionnan di e cancha a yega na su punto mas halto ora cu cuater fanatico a logra yega cerca Ronaldo durante e wega, y mas a purba di acerc'e despues cu e wega a caba. Mientras cu e intrusion aki tabata parce di ta enfoca riba saca potret, e mehoracion di siguridad ta pa proteha e hungadonan di posibel daño.

Otro incidente den Euro 2024 a inclui un aficionado cu un camera acercando Kevin De Bruyne di Belgica durante un wega contra Slovakia na Frankfurt. Ademas, varios wega a testigua con



fanaticonan a drenta e cancha, loke a genera preocupacionnan tocante siguridad di e hungadonan.

E medidanan aki ta bin como consecuencia di un problema similar na e final di UEFA Champions League tres siman pasa na London, unda, segun e reportahe, un oferta di placa di un presentando di YouTube a incentiva

varios invasion di tereno di wega.

For di diadomingo, e Euro 2024 lo a yega su punto memey, cu 26 di e 51 weganan programa completa. E esfuerzonan di siguridad mas grandi di UEFA ta diseña pa garantiza siguridad y integridad di e partidonan cu ta keda, abordando e problema creciente di invasion di aficionadonan.

Verstappen ta triunfa den Grand Prix di Spaña y ta amplia e liderazgo di e campeonato

MAX Verstappen di Red Bull a sigura un victoria dominante den Grand Prix di Spaña, derotando e 'pole-sitter' di McLaren, Lando Norris, y ampliando su bentaha den e campeonato mundial di Formula1. E victoria aki ta marca e victoria number 61 den e carera di Verstappen, e di shete e temporada aki y e di cuater n'e circuito di Barcelona-Catalunya, caminda el a laga su marca pa prome biaha na 2016 ora e tabata un adolescente.

Verstappen su victoria tabata un masterclass den careda, mustrando su habilidad pa presta bou di presion. Aunke e competencia tabata mas cera e temporada aki, Verstappen ta demostra constantemente su habilidad ora e ta mas importante. Awor e ta lider di e campeonato di piloto di F1 cu 219 punto.

Lando Norris, cu a cuminsa for di 'pole position', a bringa fuertemente pero finalmente a termina di dos, loke a hib'e na di dos luga den e clasificacion di e campeonato cu 150 punto. E actuacion aki a mira Norris supera Charles Leclerc di Ferrari, kende awor ta ocupa e di tres luga cu 148 punto.

Lewis Hamilton a completa e podium, sigurando e di tres luga pa Mercedes. Esaki ta marca e prome podium di e temporada di e shete biaha ex campeon, un mehoracion significativo ora Hamilton ta sigui lucha pa bolbe den su forma dominante.

E Grand Prix di Spaña a destaha e dinamica cambiante di e temporada 2024. Mientras Verstappen ta mantene un bentaha cla, e batayan tras di dje ta intensificando, cu pilotonan manera Norris y Leclerc presionando duro pa nan luga den e clasificacion di e campeonato.

Cu dies careda completa, Verstappen su liderazgo den careda di campeonato ta fortalece su ambicion pa un otro titulo mundial. Segun cu e temporada ta progresa, fanaticonan por spera caredanan mas excitante y un competencia feroz, ya cu e pilotonan ta core pa cera e diferencia cu e campeon reinante.



SPANISH GP		
		
 NORRIS	 VERSTAPPEN	 HAMILTON
4  GEORGE RUSSELL  MERCEDES		
5  CHARLES LECLERC  FERRARI		
6  CARLOS SAINZ  FERRARI		
7  OSCAR PIASTRI  MCLAREN		
8  SERGIO PEREZ  RED BULL RACING		
9  PIERRE GASLY  ALPINE		
10  ESTEBAN OCON  ALPINE		

Cua grupo ta bira Campeon di Mens Erger Je Niet LIVE 2024

Oruans Rocks, Gaña Sa, Blue Energy Hilton Hotel of No Cunsumi?



CAMPEONATO MENS ERGER JE NIET LIVE 2024			
1 Pasa Raspa Get Fit	17 Dushi Yiu	33 Kill By The Dice	49 WEB
2 Pv 2 Good 4 U	18 Manchebo	34 Pasa Dushi Pasa Pret	50 Family Gang
3 Jolly Jokers	19 Sin Miedo	35 Jun Jun Racing	51 Falcetas
4 The Beef People	20 Gaña Sa	36 TOTAL	52 Fusion Boys & Girls
5 Comando	21 Chipi Chipi Tine	37 Jolly Shots	53 Youth Family Gang
6 Oruans Rocks	22 Mi Casita	38 Hat Masters	54 297 Gang
7 Vroom Toyota	23 Youth Who's Next Gen.	39 Dynamite	55 Demolation Squad
8 Mete La Pata	24 Entre Nos Family	40 Flatstone	56 Bombers
9 Bongo's	25 X-Clusive VIP Crew	41 No Consumi	57 The Real Complot
10 Keep On Walking	26 Who's Next	42 Screngerenge	58 Dice Mastersz
11 Dream Catcher	27 Red Devils	43 Eagle Giants	59 Blue Energy Hilton Hotel
12 Laga E Douw Lora	28 Smash Turtles	44 Nos A Bin Pa Perde	60 Jolly Peeps
13 Weet Niks	29 Thrill Walkers	45 Kicks	61 Happy Line Dancers
14 Heavy Yiu	30 Locura Loca	46 Kooyman 2x4	62 Busje Komt Zo
15 Rooi Afo Fan Club	31 Pevesa Setar	47 Justice Warriors	63 Plus Accountants
16 Bisiña Cu Storia	32 Agachate	48 Laga Lora	64 El Louvre

E campeonato a cuminsa dia 20 di April cu 64 grupo. E fin di siman aki, Diabierna 28 di juni 8:00pm ta cuater a keda invicto y un so por bira campeón di Mens Erger Je Niet LIVE 2024.

Siman pasa den e weganan Semifinal, e gruponan di Mens cu a hunga tabata Falcetas, WEB, Blue Energy Hilton Hotel, Busje Komt Zo. Despues a sigui Oruans Rocks, Pv 2 Good 4, Gaña Sa, Pevesa Setar. Y diasabra tabata, No Cunsumi, Kill By The Dice, Busje Komt Zo, Blue Energy Hilton Hotel.

Den un par di wega dramático yena di tensión y alegría, esunnan cu ta sigui pa e gran final pa e diabierna awor 28 di juni ta e cuater gruponan invicto: Oruans Rocks, Gaña Sa, Blue Energy Hilton Hotel y No Cunsumi.

Centro di Bario Brazil ta invita tur grupo di Mens Erger Je Niet LIVE, pa 8:00pm bin presencia e bataya entre e invicto.



Despues di tur e tiramento di "DOW" e famoso DJ di C.B.B ta bay sorprende tur presente. Entrada ta un smile, pero mester ta uno masha grandi "Si"!.. Danki atrobe di parti Eddie Dandlau y C.B.B, na tur 64 grupo cu a haci e di 16 aña di Mens Erger Je Niet LIVE un éxito atrobe.

CULTURA Y HISTORIA

Aruba: Nos Rikesa

E paisahe mistico di Aruba:

Formacionnan di Piedra Ayo y Casibari



ARUBA, conoci pa su topografia casi plat, ta sorprende bishitantenan cu dos formacion di piedra extraordinario, Casibari y Ayo. A pesar di su proximidad, cada sitio ta ofrece un experiencia unico, contribuyendo n'e carisma di e isla.

E formacionnan di piedra di Casibari, situa den un zona residencial, ta resalta pa nan barancanan colosal di tonalita. E trapi specialmente diseña ta guia e bishitante explorado te n'e top, dunando un bista di 360 grado di e isla. Integracion di un caminda pa cana y Wi-fi gratis ta mehora e experiencia. E barancanan, misteriosamente agrupa, ta invita na interpretacionnan di forman manera parhanan y dragonnan. E sitio ta yen di cadushi, y observadonan fortuna por mira lagadishi, yuwana of Aruba su shoco. E origen di Casibari ta keda un misterio, loke ta laga un sensacion di intriga liga n'e pueblo indigena Arawak di Sur America.

Na otro banda, e formacionnan di piedra di Ayo, den un ambiente remoto, ta asumi un aire di misterio. Considera sagrado p'e pueblo Caquetío, e habitantenan pre-colonial, Ayo ta ofrece piedranan imponente y dibuhonan antiguo cu ta data di miles di año. E sitio aki ta ofrece un biahe historico y cultural memey di naturalesa.

Tur dos formacion ta ofrece oportunidadnan pa cana. E formacionnan di piedra di Casibari, cu barancanan sculp-tura pa biento, ta atende excursionistanan di tur edad. Trapi y railing ta facilita exploracion, cu ta conduci na un bista panoramico, cu ta inclui un bista di e costa Venezolano den dia cla. E formacionnan di piedra di Ayo, cu tunel y gangnan smal, ta priminti emocion, hunto cu rikesa historico.

P'e miho experiencia, bishita Casibari mainta trempa of atardi laat pa evita e calor di merdia. E clima por ta fuerte, pa cual ta crucial pa hiba awa, sombre, bril di solo, sunblock y sapato adecua. Programa bo bishita pa evita multitud di turista ta garantisar un encuentro mas intimu cu e maraviya natural aki.

Embarca den un biahe pa pasado y presente di Aruba, unda e misterionan antiguo ta topa cu exploracion moderno den e formacionnan di piedra di Casibari y Ayo.

APPAREL

BOAT ACCESSORIES

TOD-MAR

Facebook: TodomarAruba | Twitter: @TodomarAruba | Instagram: TodomarAruba | Phone: +297 585 0555

FISHING TACKLE

FIBERGLASS PRODUCTS

TENDENCIA

Brodgertoncore

Asina e bisti di estilo imperio ta cu ta faborece y ta un exito e temporada aki

CU un legion di fanatico cu ta bin den aumento despues di cada estreno, e serie “**The Bridgerton**”, basa riba e bukinan di Julia Quinn, no ta laga ningun hende indiferente y ta demostra pa ta ambiental den e epoca historico no ta un impedimento pa converti den un referente estetico riba tur nivel. Despues di un cantidad di articulo cu a genera desde su “bouketnan” di flor te n’e bebida cu nan personahenan ta bebe, awo a yega turno di e bisti delicado y simpel, cu e protagonistanan ta luci. Un reinterpretacion di e silueta imperio of estilo regencia manera cu tabata conoci popularmente na Inglatera ora di coincidi cu e reinado di rey George IV.

Reconocibel pa su cintura halto - net bao di e pecho -, escote cuadra y pronuncia, e manganan abulta y un saya amplio y recht cu ta yega te n’e pianan, a conta cu siguidonan fiel manera Josephine Bonaparte of e condesa di Cinchon. Compañia pa e tehidonan liviano y delicado manera batista, tweel of gasa, den e version Brigertoniano ta existi un fiacion special p’e textura sedoso di e telanan den tono biña y magenta - fuera di un infinidad di pastel-, e ploo- y e bordadonan of crea un layering sutil cu handschoen of jacket cu ta match.



E proposicion terenal p’e primavera-zomer 2024 aki ta yena cu exactitud di e escote imperio y e manganan rondo pero laga e imaginacion bula den tur tipo di largura, colo y print - cu hopi flor di zomer-. Y manera semper, e estilismo ta hunga un rol importante, pasobra nos por tin e paña bisti su so of riba un blusa basico di catuna, bao di camisa masculino of cu un saya transparente. E obhetivo ta hunga.

1. Reformation

E compania Californiano conoci pa su bistinan ultra femenino y vaporoso ta join bridgertoncore cu multitud di bisti manera Rheqa, di preciso corte imperio y cu strik cu ta ploo- n’e brasan pa intensifica e efecto abulta di e schoudernan. Disponibel den beige, preto y print di flor vintage.

2. Ganni

E proposicion Danes ta añadi un toke grunge cucapa di cloque y ploo- cu ta presenta e escote cuadra y e manganan abulta di estilo imperio.

3. &Other Stories

E version ‘cortesano’ di e bisti imperio cu un escote na ploo- y cintura di bij ta eleva den e bisti aki, danki n’e silueta midi suavemente acaba y den colo cyan.

4. Sister Jane

E hardinnan Bucolico ta un tonico constante di e serie cu ta replica e primavera aki den e bistinan plaga di print floral. E bisti Floral Notes, confecciona cu un tehido di gasa, ta añadi

>>

MENZAHE DI DIA
25 juni, 2024

E hende ta sufri mas den su
PENSAMENTO
P’esey yena bo mente
cu pensamentonan di alegria,
amor y cosnan bunita.

e Poder
den Mi

e Poder den Mi



e plooian tanto n'e brasanan como n'e torso pa dulcifica e figura.

5. Rixo

Otro proposicion 'cortesano' hiba e biaha aki n'e pradera, e bisti Isla ta conta cu un microprint di cuadra diseña pa Ciao Lucia y un escote cu un cinta den e mesun tono di blauw.

6. Cecilie Bahnsen

E closet crea p'e diseñado Danes lo ta e soño di Penelope Featherington (y di cualkier persona). E bisti Gwen fabrica na midi - bao peticion - ta cortico y ta maximalisa e estilo imperio cu un waterval di volumen y un volante asimetrico cu ta recore e curpa. E saya den forma di nubia - tur un seyo di Bahnsen - ta contrapone n'e manganan di volante uni pa un cinta n'e lomba. Puro fantasia.

7. H&M

E proposicion urbano y informal di e marca Sueco ta liviano n'e cintura cu un "beehive" na e lomba y un laso cu ta permiti ahusta e escote den un print di microflor.

8. Susan Fang

E creacion aki di e diseñador radica na London ta fundi e

fairycore asina presente den e lunanan aki cu tur cos imaginario di e serie Mericano aki. E escote imperio ta mantene un tiki losjes, pero uni na strep fini y dobel y un manto di twiel di colo den relieve.

9. Mango

Den zomer, simplifica casi semper t'e miho opcion. Si nos elimina e pencilskirt di e bisti original, nos ta haya un mini-dress elegante y perfecto pa e dianan di calor cu ta conserva e esencia di estilo imperio Disponibel den blauw Klein y print di flor.

10. Sfera

E diseño aki ta transforma un bisti di epoca den un hit retro p'e saya estilo 70 y print di flor vintage.

11. Damson Madder

E compania Ingles cu a bira viral riba Instagram y TikTok, sa bon loke ta manda riba red. E bisti Heidi ta responde n'e demanda Bridgerton cu un corta midi, detaye di ploo n'e busto y un diseño floral.

12. Zara

E formula di Inditex ta pasa pa simplifica e cintura, relaha e saya y cort'e di largo. E resultado, un bisti light, hopi girly y sin pretension pa bistie henter zomer.

+297 730 1486
SABANA BLANCO 40
ORANJESTAD, ARUBA



Beauty Bar
by Jen



Beauty Bar
P.M.U &
LASH ARTIST **By JEN**

Specialised in

Brows, lips & Eyeliner • Pedicure • Microblading

• Powderbrows • Threading • Brow Lamination

• Lip pigmentation & blush • Eyeliner

 Beauty Bar by Jen

 beautybar_byjen

Parlamentario independiente Rycond do Nascimento:

E bataya nos a gana, pero e guerra ta continua

NOS ta celebra e victoria den parlamento na defensa di matrimonio entre un homber y un muhe. E resultado di dia 8 di mei hunto cu esun di dia 19 di juni 2024 ta un alivio pa e mayoria di pueblo, pasobra un votacion den parlamento no mag di cambia e destino di un pueblo cu ta identifica su mes como religioso (segun CBS 94% ta religioso y 75% catolico). Sea cu bo ta catolico, protestant, evangelico, pentecostal of otro religion, nos ta kere den e dignidad di cada persona sin importa su religion, rasa of orientacion sexual. Tambe nos ta kere cu tur hende, sin importa ken, ta merece proteccion huridico den nos leynan. Esey no ta kita cu riba tereno cultural nos ta keda conservador y derechista.

Un gran elogio ta bay pa cada ciudadano cu a mostra nos politiconan cu norma y balor ta importante. Cada ciudadano cu a marcha y cada un di e 18 mil firma pa conserva matrimonio. Sin boso bos y compromiso, nunca nos lo a logra. Tambe nos gratitud ta bay na Iglesia Catolico, Iglesia Protestante, ICA, tur lider religioso y tur persona cu a uni activamente na defensa di balornan tradicional. Boso luz mester sigui briya.

Sin embargo, e guerra ta continua, pasobra e coalicion Accion21-MAS-RAIZ ta keda determina pa impone nan ideologia isquierdista riba henter un comunidad.

Laga mi duna tres ehempel con nan ta completamente dispuesto pa troce nos reglanan Constitucional pa logra nan meta:

1. Miguel Mansur a lansa e pensamento cu un voto contra e ley di matrimonio homosexual ta un voto cu ta viola nos Constitucion. Los for di tur teoria cu ta den su cabes, su argumento ta completamente ridiculo. Nos Constitucion ta garantiza e libertad pa cada parlamentario vota su consenshi y e libertad ta bay asina leu cu si parlamentarionan no ta di acuerdo cu e contenido di nos Constitucion, nan por vota pa cambia su contenido. Pero e argumento no ta mas cu un pretexto, pasobra loke Miguel kier, ta impone su ideanan cueste lo que cueste. P'esey e no ta ria pa menasa Dowers cu pa motibo di su voto contra e no lo por bira minister di husticia den un coalicion AVP-Accion21.

2. Miguel Mansur a declara dia 19 di juni 2024 den prensa cu e dia ey tabata un dia



scur pa democracia y cu cierto grupo religioso ta corumpi politica y ta denigra nos Constitucion. E realidad ta cu ciudadanonan cu un conviccion religioso a haci uzo di nan derechonan democratico cu ta hancra den nos Constitucion pa para y marcha pa nan opinion. Es mas, ta Miguel ta esun cu ta contra democracia: e no kier ningun forma di referendum y e ta contra cualkier tipo di dialogo cu personanan cu ta defende norma y balor tradicional, pasobra e no kier duna plataforma na ideanan inspira riba cristianismo. Segun Miguel hende Cristian no tin derecho pa vocifera nan opinion of pa wordo scucha.

3. Marisol Tromp aparentemente tabata convenci cu nan mester a presiona parlamentarionan cu tabata duda ainda. P'esey Marisol a pasa henter dia 8 di mei 2024 gañando cu tin un regla huridico cu ta stipula cu parlamentario cu kier abstene di vota mester bandona sala. E supuesto regla ey simplemente no ta existi den nos leynan. Obviamente "el tiro la salió por la culata", pasobra su intimidacion a resulta den e resultado di voto 10-10. Como cu Accion21-MAS-RAIZ ta mal perdedo, nan a bay uza e mesun mentira di e supuesto regla cu mester bandona sala pa retira tanto griffier como presidente di parlamento for di nan puesto.

Pa impone nan meta e grupo isquierdista Accion21-MAS-RAIZ ta bay mucho mas leu cu simplemente troce nos reglanan constitucional, pasobra nan tambe ta troce enseñansa religioso y ta fomenta odio contra hende cu ta identifica como cristian.

Laga mi duna tres ehempel di con nan ta demonisa creyente:

1. Miguel Mansur a dirigi su mes na creyentenan evangelico, bisando: *"Si bo fe ta bisa bo odia un hende, bo mester di un religion nobo."* Asina Miguel ta troce e berdad cu e creyentenan aki ta kere cu Dios a stima nos tur asina tanto cu El a manda Hesus pa muri pa nos picanan. E creyente ta kere den e mandamento di Hesus pa stima bo prohimo manera bo mes. Pero e tambe ta kere cu e practica homosexual ta un pica. Esey no ta odio, sino fe.

2. Misha Raymond na su turno ta bende e idea cu un perspectiva religioso ta hiba na suicidio bao di hobennan. E ponencia ey tambe ta demonisa cristianismo como algo peligroso, creando un argumento pa elimina cristianismo.

3. Raymond Kamperveen ta boga pa bin cu un impuesto special pa iglesianan, insinuando cu e iglesianan ta haciendo algo malo y cu p'esey mester castiga iglesianan financieramente.

E retorica di Accion21-MAS-RAIZ ta fomenta odio contra religion. Tambe nan retorica ta conduci na destruccion di matrimonio tradicional y di e definicion di kico ta un homber y un muhe. Ademas nan retorica ta conduci na silencia creyente y elimina religion for di e ambito publico. E manera pa logra esaki ta door demonisa religion, cambia ley y penetra den e mente di nos yiunan na scol uzando bullying como pretexto.

Nos ta kere den tolerancia y dialogo, p'esey nos ta keda semper dispuesto pa un combersacion serio riba nos conviccionnan. Pero nos no por acepta un agenda asina peligroso haya raiz den nos comunidad. P'esey nos mester uni forsa contra opresion, persecucion y discriminacion di hende religioso. Nos mester bin cu un ley di referendum pa pueblo por expresa su mes directamente.

Nos mester ancra e definicion di matrimonio den nos Constitucion pa asina ningun hues por mishi cu esaki mas. Nos mester vota consciente di e peligernan. P'esey sostiene candidatonan cu a demostra un compromiso cu e causa. Pasobra trahando hunto nos ta aumenta nos bos y nos impacto. Pasobra e bataya nos gana, pero e guerra ta continua!

Construyendo un comunidad mas saludabel den aeropuerto

ARUBA Airport Authority N.V. (AAA) cu masha placer a organisa e di dos evento drive-thru pa chequeo di salud y bienestar di e comunidad di aeropuerto riba e dianan 10, 11 y 12 di juni 2024.

Coincidiendo cu aeropuerto su enfoke riba salud y bienestar y alabes basa riba Sustainable Development Goals (SDGs) di Nacionnan Uni, e Airport Community Health and Wellbeing Drive-Thru Check tabata un evento di tres dia na aeropuerto mes, aki ta caminda tur stakeholder, third parties y vendors a ricibi e invitacion pa pasa e sala VIP di aeropuerto pa realiza un chequeo personal di salud. Mas di 250 miembro cu ta forma parti di e comunidad di aeropuerto a participa n'e evento, incluyendo e personal di AAA, Ground Handlers, Aduana, Cuerpo Policial, US CBP, Total Cleaning y Concesionaires.

E control di salud a consisti di un test di presion di sanger, sucu den sanger, calculacion di body mass index (BMI) y presion di wowo. Unabes cu a keda cla cu e chequeo di salud, cada persona a ricibi nan resultado. Coincidiendo cu e metanan di salud y bienestar di AAA, Health and Wellbeing Drive-Thru Check, cu a dura tres dia tabatin como meta pa stimula e comunidad di aeropuerto pa concentra riba nan bienestar fisico door di tuma medida preventivo den nan estilo di bida p'asina garantiza bon salud y evita malesa y biba den cu balansa di curpa y mente.

Den e siguiente Health, Safety and Sustainability Week 2024, lo presenta e resultadonan di e Airport Community Health and Wellbeing Drive-Thru Check n'e comunidad p'asina brinda informacion general tocante e estado di salud di e comunidad di aeropuerto y brinda recomendacion adicional p'asina biba un bida mas balansa. *"Nos ta hopi contento cu e participacion na e evento Health and Wellbeing Drive-Thru Check y cu e interes demostra di parti di e miembronan di e comunidad di aeropuerto pa nan salud y bienestar. Ademas e evento aki tambe ta fortalece e compromiso cu nos stakeholders, ta demostra nos compromiso cu e comunidad di aeropuerto y ta crea un sentido fuerte di comunidad en general"*, asina Angeline Flemming, Director of Health, Safety and Sustainability na AAA, a expresa.



A recoge mas di 1100 kilo di sushi durante RBC Beach Cleanup na Grapefield



RBC ta promoviendo un medio ambiente saludabel y preservando nos ecosistema p'e generacionnan futuro. Den reconocimiento di Dia di Medio Ambiente y Dia Mundial di Ocean, un total di 750 boluntario di RBC den ocho pais di Caribe, a participa den un limpieza masivo. Durante e actividad aki, a logra recolecta mas di 9 ton di sushi y desperdicio na diferente beach.

Na Aruba, 27 empleado di RBC hunto cu nan famia, a ofrece nan mes como boluntario pa haci Grapefield Beach limpi. Durante e dia aki, a logra recolecta 1100 kilo di sushi, contribuyendo significativamente na limpieza y conservacion di e area. E iniciativa aki ta parti di e compromiso continuo di RBC pa fomenta e conscientisacion ambiental y e accion comunitario, sigurando cu e beach y e oceannan di Caribe t'e luganan mas limpi y saludabel pa tur.

E participacion activo di e empleadonan di RBC y nan famia den e actividadnan aki ta demostra e spirito di colaboracion y responsabilidad pa medio ambiente. E esfuersonan aki no solamente ta yuda mantene e beachnan limpi, sino cu tambe ta sirbi pa educa e comunidad riba e importancia di e conservacion y e manejo adecua di e residuonan. Cu iniciativa manera esaki RBC ta reafirma su dedicacion na sostenibilidad y e proteccion di e ecosistemanan marino y di costa p'e generacionnan venidero.

STEPS 2023

Resultado di investigacion riba uzo di alcohol

DEN aña 2023 Departamento di Salud Publico den colaboracion cu WHO/PAHO y Central Bureau of Statistics (CBS) a organisa un investigacion Nacional cu a carga e nomber di STEPS 2023.

Meta di STEPS 2023 tawata pa colecta informacion valioso riba salud di nos comunidad di forma cu organisacionnan encarga cu maneho di salud publico por ricibi un bista actual di e salud di nos poblacion pero tambe conoce e factornan di riesgo cu por conduci na malesanan cronico. Conociendo e factornan di riesgo aki e diferente organisacionnan lo por traha riba maneho nobo mas dirigi riba mehoracion di e salud di nos hendenan.

Riba topico di uzo di alcohol, investigacion Nacional STEPS 2023 a conclui cu 21% di Aruba su poblacion ta participa na bebemento di alcohol excesivo.

E hende homber ta bebe mas alcohol cu un averahe di 5.5



bebida pa ocasion compara cu e hende muhe cu ta bebe 3.3 bebida pa ocasion.

Uzo excesivo di alcohol por conduci na sobre peso, problema cu salud mental, cancer y por afecta organonan manera curason, higra y stoma.

Cu e informacion aki conoci, e ora a yega pa nos dal e paso pa nos salud y “cambia nos habitonan” abo ta cla p’e?

CARIBBEAN CINEMAS VIP
A PREMIUM EXPERIENCE

Caribbean Cinemas
PASEO HERENCIA

COMFORT, FOOD AND COCKTAILS

FOR SHOWTIMES AND ONLINE TICKETING:
WWW.CARIBBEANCINEMAS.COM

📞 **787-999-3292**

📷 @caribbeancinemasaruba

📺 Caribbean Cinemas Aruba

DOWNLOAD OUR APP

GET IT ON Google Play | Download on the App Store

AHRA a tene su reunion general di juni

Topico: Con pa mehora retencion di talento den un mercado laboral competitivo



ARUBA Human Resources Association (AHRA) a tene su reunion general riba e topico di con pa mejora e retencion di talento den un mercado laboral competitivo. E reunion general a tuma luga na La Cabana conference room. Durante e reunion aki AHRA a yama bon bini na su miembro nan y tambe no-miembro cu a bini hunto pa explora strategianan y tambe haya mas conocimiento riba e topico crucial.

AHRA tabata tin e privilegio di por a introduci su Presidente di AHRA, Charlène Nectar di U-sparkPeople Management & Development Consultancy, como nan orado di honor, compartiendo su experticio riba e topico crucial aki.

Estadisticonan reciente a wordo comparti riba e escasez di trahado riba e mercado laboral, subrayando e problema critico di perde empleadonan talentoso. Additionally, a haci un real-time survey cu esunnan presente, riba e punto di con pa yena posicionnan complica y tambe retene talento. Despues un seccion a tuma luga unda por a brainstorm riba strategia di retencion di empleado nan di compania. Tambe a discuti desaroyonan reciente den sector hotelero y tambe di comercio.

Puntonan importante riba strategia pa retencion de talento ta inclui:

- con pa crea balornan manera experiencia, comprondemento di trabao pa atrae pero tambe retene e empleado nan aki.
- tin un bon relacion entre organisacion y empleado nan
- encurasha continuacion di enseñansa y tambe desaroyo di e empleado nan
- oportunidad pa crece den carera di trabou
- planificacion di sucesion di e compania.
- Artificial Intelligence

E board di AHRA ta contento cu e resultado di e reunion



general aki. Riba e nivel halto di interes y e asistencia ricibi ta subraya e importancia di e topico aki pa HR y mas profesionalnan na Aruba. AHRA lo continua explorando topico nan nobo y relevante hunto cu su miembro nan y tambe e no-miembro nan.

Pa mas informacion y interes di con pa bira miembro di AHRA por manda un e-mail na nos Director of membership na: membershipahra@gmail.com

Participacion exitoso di Aruba Bank na Seminario “Mi Poder Financiero”



ARUBA Bank ta contento di a participa den e seminario “Mi Poder Financiero” organisa pa Fundacion Plan di Bida Aruba, cu a tuma luga na Renaissance Convention Center. E evento a trece nos comunidad hunto pa siña tocante e aspecto nan esencial di un bon maneho financiero.

Fundacion Plan di Bida Aruba, a organisa e seminario aki pa promove un bon maneho financiero y duna solucion nan practico pa maneho di finansa. Nan programa ta inclui plan di presupuesto, di debe y areglonan di pago pa duna sosten n’e comunidad.

E seminario a conta cu participacion di diferente experto local, notario, realtor y profesionalnan legal. Aruba Bank a duna un presentacion tocante e paso nan pa yega na bo propio cas. Participantenan tabatin oportunidad pa bishita e “booth” di Aruba Bank pa informacion y conseho financiero personalisa tocante hipoteca.

Aruba Bank ta orguyoso di a participa den un evento cu ta promove bienestar financiero den nos comunidad.

P’esnan cu no a logra asisti e seminario of cu tin mas pregunta tocante di hipoteca, por bishita e website www.arubabank.com.



Un otro joya di proyecto di Gabinete Wever-Croes

Aeropuerto Internacional Reina Beatrix a celebra entrega di fase 1 di proyecto Gateway 2030

DIABIERNA 21 di juni Prome Minister Evelyn Wever-Croes tawata presente na Aeropuerto Internacional Reina Beatrix pa celebra e entrega di fase 1A di e proyecto Gateway 2030 y p’e despedida di e actual CEO di AAA señor Joost Meijs.

Prome Minister a indica cu esaki t’e apertura di un sala nobo di US Departures, cual lo ta completamente operativo na comienso di 2025. E ta parti di e proyecto Gateway 2030 di e aeropuerto cu ta diseña pa mehora e facilidadnan di Aeropuerto Internacional Reina Beatrix y asina duna e miho servicio posibel n’e pasahero. Ta trata di un facilidad moderno, espacioso y cu pinturanan di e artista local Armando Goedgedrag.

Riba e anochi aki tambe a tuma despedida di e actual CEO di Aruba Airport Authority N.V., señor Joost Meijs cu ta den e funcion aki desde 2019. Señor Meijs lo bandona su funcion na July 2024, unabes cu e termina cu su mandato di cinco año. E mandatario a gradici señor Meijs pa su contribucion cu pais Aruba y a dese’e hopi exito den futuro.

“E sala nobo di US Departures ta un proyecto hopi bunita cu a cuminsa den nos Gobierno. Aeropuerto di Aruba a wak temponan menos bon durante e pandemia. Tawata temponan dificil y di hopi incertidumbre. Nos a dicidi di habri frontera atrobe y tur cos ta indica cu esaki tawata e miho decision pa Aruba. E tempo ey hasta AAA a proyecta cu Aruba lo ta bek riba pia te año 2025. Cu hopi orguyo mi por bisa cu ya na 2022 a mira e recuperacion y na 2023 e recuperacion tawata completo. Awe por celebra e proyecto aki danki na tur ciudadano di Aruba cu semper ta traha duro pa hiba nos pais padilanti.

Pabien Aeropuerto Internacional Reina Beatrix p’e logro aki. Danki na colega Minister Dangui Oduber pa su vision y determinacion y danki na tur e ekipo di AAA cu a haci esaki posibel. Esaki ta un otro joya di proyecto di nos Gobierno. Nos no a realisa tur nos metanan ainda, pero nos ta logrando si”, Prome Minister a termina bisando.



Gabinete Wever-Croes ta cumpli!

E proyecto “Operation Command Center” a wordo inaugura

DIABIERNA ultimo, Prome Minister Evelyn Wever-Croes a asisti n’e inauguracion di e “Operation Command Center”, cu ta un proyecto hopi importante pa cuerpo policial, mirando cu e lo facilita nan trabou pa loke ta seguridad di pais Aruba. Un proyecto cu a tuma su tempo, pero cu awe ta ofrece e pida baranca aki e “Operation Command Center” mas moderno den region, consistiendo di funcionalidad integro y tecnologia avansa.

Prome Minister a indica cu Aruba a pasa den temponan hopi dificil debi n’e pandemia, y e tempo ey comunidad completo a uni den determinacion pa saca e pais di e crisis, y traha pa hib’e padilanti. Cu e inauguracion di e centro aki, por mira bek cu tur e esfuerso cu a wordo haci e tempo ey, awe a duna su fruto. Awendia pais Aruba ta gosa di un economia solido danki n’e crecimiento grandi di turismo, un porcentahe di desempleo mas abou, y un finansa publico na ordo, segun institutonan manera CAft y IMF. Tambe segun un investigacion di The Telegraph di Inglatera, Aruba ta un di e paisnan mas safe den e region.

“Nos a saca nos pais di crisis, nos a stabilisa nos pais, y awor nos compromiso ta pa crea progreso y prosperidad pa tur ciudadano di nos pais” Prome Minister a expresa.

P’esey e proyecto aki ta hopi importante pasobra e ta aumenta e seguridad di tur ciudadano, y unabes bo pais ta sigur, turistanan lo sigui bin, yudando asina e desaroyo y crecimiento economico.

Mirando e presupuestonan cada aña, por tuma nota cu Minister di Finansa Xiomara Maduro semper a traha di cerca cu Minister di husticia Rocco Tjon p’asina aumenta e presupuesto di cuerpo policial, cu e meta pa crea un pais mas sigur pa tur ciudadano.

“Mi kier a felicita cuerpo policial, tur esnan cu ta bay labora den e centro aki, y esnan cu indirectamente lo bay probecha di e fruto di e centro aki. E “Operation Command Center” aki t’esun mas moderno den nos region y ta localisa na Savaneta. Mi deseo ta p’e centro aki, facilita e trabou di tur esnan cu tin cu percura cu nos pais ta sigur.

Tambe, mi kier gradici tur esnan cu a haci esaki posibel. Un danki na Setar pa nan partnership y colaboracion den haci e centro aki un realidad hunto cu Gobierno. Aunke e no ta cu nos mas, mi ta gradici Señor Pourier (q.e.p.d), cu a traha hopi duro riba e proyecto aki, y cu awe no ta na bida pa wak e fruto di su trabou. Un danki tambe na ful e ekipo di Minister



Rocco Tjon cu a traha hopi duro pa por a logra e metanan proponi, y na cuerpo policial pa kere den e proyecto y brasa e proyecto.

Aruba por ta hopi orguyoso cu e “Operation Command Center” aki, danki n’e compromiso di cada un di boso. Para akinan mi no por keda sin menciona ex minister di husticia señor Rudy Croes (q.e.p.d) cu semper a soña di bin cu loke e tabata yama un central, consistiendo di ekiponan mas moderno, y mas innova pa yuda haci Aruba mas sigur. Awe danki na Minister Rocco Tjon, su soño a bira realidad. Den nomber di pueblo di Aruba, y den nomber di ex-minister Rudy Croes mi kier a bisa bo danki pa bo determinacion, y vision pa haci Aruba un luga mas sigur na unda nos tur por biba y lanta nos yiunan den dje. Nos no a logra tur loke nos a compromete nos mes pa logra pero nos ta logrando si”, Prome Minister expresa.

Estreno di e short movie 'My Story'



NA Aruba ta conoci cu 131 ta un organisacion cu banda di su propio proyectonan, ta desaroya y implementa proyectonan pa diferente organisacion Internacional aki na Aruba. Na 2023 131 a ser acerca pa Pan American Development Foundation pa desaroya un proyecto cu ta stimula empatia bao di hobennan local y migrante pa cu otro.

Discriminacion ta algo cu ultimo tempo mas y mas ta presenta. Discriminacion ta ora un persona of un grupo di persona ta ser trata desigual door di nan rasa, color di cuero, idioma, creencia politico of otro, origen etnico of social, religion, sexo, edad, condicion fisico of mental, orientacion sexual of cualkier otro circunstancia. Discriminacion hopi biaha ta presenta door di xenofobia. Xenofobia ta ora un persona tin miedo of odio pa algo cu ta wordo mira como di afo of straño.

Discriminacion ta haci daño na salud di un persona. Experiencia cu discriminacion ta doloroso, ta duna un sintimento di no ta parti di un comunidad, y no mag di participa den e comunidad. Discriminacion ta zorg pa personanan perde confiansa den instancianan y ta sinti nan inseguro.

Na 2023 131 a crea e proyecto 'My Story', y a implementa 'My Story' na Aruba. 'My Story' ta un proyecto cu ta stimula empatia entre hobennan local y migrante, y asina aki reduci discriminacion y xenofobia. Danki na fondo proporciona door di e 'Bureau of Population, Refugees, and Migration' (BPRM), 131 conhuntamente cu 'Pan American Development Foundation' por a cuminsa cu implementacion di 'My Story' den 2024.

8 hoben local y 8 hoben migrante a participa na 'My Story'. E grupo di hobennan migrante ta consisti di hobennan naci na Colombia, Haiti y Venezuela. 'My Story' a consisti di 6 sesion caminda e hobennan a siña tocante Derecho di Mucha, Igualdad, creacion di arte y actuacion, a crea un arte y a crea y actua den un short movie.

E short movie 'My Story' ta un inspiracion di y ta skirbi p'e hobennan, y ta un ilustracion di nan experiencia cu e bishitanan na cas di otro.

Den 'My Story' e hobennan ta ilustra con nan ta desea pa un hogar ta, y simultaneamente con nan ta desea p'e hogar Aruba ta.

Diabierna binidero e short movie 'My Story' lo ser estrena na Aruba den e IMAX Auditorium na The Movies @ Gloria pa 3:00 di atardi. Banda di e estreno di e short movie, simultaneamente lo tuma luga un exposicion di e pinturanan cu cada un di e hobennan a crea. Cada pintura t'e storia individual di cada hoben.

131 y Pan American Development Foundation ta haci posibel pa banda di e invitadonan, 15 persona por presencia e estreno di 'My Story'. Si bo persona ta interesa pa presencia e estreno bo por manda nos un e-mail na 131aruba@gmail.com.

Pa mas informacion tocante 'My Story' por tuma contacto cu 131 via nos website: 131.aw, facebook: <https://www.facebook.com/aruba.131/>, email: 131aruba@gmail.com of telefon 5886138/ 5884011.

Tradicion di celebracion di dia di San Juan y di Dera Gay mester keda uno cu tin di haci cu cosecha

DIRECTIE Natuur en Milieu (DNM) ta desea pueblo un Feliz dia di Dera Gay y kier avisa pueblo pa ban celebr'e conscientemente cu amor pa tradicion respetando naturalesa y medio ambiente. Nos kier alabes menciona cu nos antepasado manera e indjannan di Mexico y Venezuela a bini Aruba y a trece hopi practica di agricultura.

Tambe nan a trece nan tradicionnan y custumbenan di cual nos a incorpora den nos cultura local.

E tradicion di Dera Gay mes ta uno cu ta bini di e celebracion di agricultura y un cosecha exitoso. Un cosecha exitoso ta nifica cu despues tin restonan cu no ta uza y esaki nan tawata kima den forma di celebracion.

E tera cu e sas ta bolbe uza den e suelo di e siguiente cosecha. Locual cu ta resta no mester clasifica esaki pa sushi. Como cu a keda practica e parti di kima resto, hendenan a pone otro cosnan den e restonan organico y consecuentemente a cuminsa kima nan hunto. E problema di kimamento sin control riba e dia di Dera Gay t consecuencia.

DNM ta desea di aclaria cu e practica cu tawata algo spiritual-cultural mester keda uno cu tin di haci cu cosecha y agricultura pa evita cu hende ta kima sin control.

E Cultura of tradicion di Dera Gay y e asunto di kimamento no kiermen cu nos mester ta actua contra ley of causa daño na nos salud, e naturalesa y medio ambiente. P'e motibo aki DNM kier avisa pueblo tambe pa pone atencion n'e siguiente puntonan.

Ta prohibi pa cende candela riba caminda publico. Esaki ta prescribi den articulo 14 di e ordenansa di polis (APV).



Segun articulo 8 di APV, ta prohibi pa causa molester na bisiña por ehempel door di cende candela y kima. Pone atencion na unda ta cende candela. Tin tereno di naturalesa cu ta protegi pa ley y ta prohibi pa cende candela den e areanan aki.

Manera Spaans Lagoen, Parke Nacional Arikok, nos areanan di parke marino. E motibo p'esaki ta cu e candela ta causa daño na nos flora y fauna, por ehempel matanan di mangel, parhanan, cangreunan y otro sortonan

E daño cu kimamento den aire liber ta causa ta cu particularnan (stof) y gas (diferente sorto) ta bay liber den e aire creando polucion di aire (luchtvervuiling). Kimamento di obhetonan clasifica mucho general como sushi, no ta duna mucho indicacion cuanto kimico ta kima cu productonan no organico.

Kimamento di sushi den aire liber ta

laga stof y gas, cu no ta pertenece naturalmente den aire, bay cu por ta dañino pa salud di hende, bestia y/of mata. E stof y gasnan aki tambe ta dañino p'e edificio of obheto cu hende y bestia a traha (neishi).

Cu stof kiermen, e substancia produci principalmente for di actividadnan procedente di hende.

Por ehempel: mescos cu tin kimamento di sushi, tin tambe polucion di aire door di trafico (auto, barco) door di combustion (verbranding van koolwaterstof producten vb fuel) y deforestacion/rosamento di mondi.

Ban celebra e dia di Dera Gay na un manera responsabel y reduci e impacto cu kimamento tin riba nos naturalesa, medio ambiente y salud, t miho deseo di DNM.

Minister Maduro di Finansa ta informa cu

Entrada extra den Presupuesto 2024 lo wordo destina pa mehora e poder di compra di varios grupo den comunidad

ALGUN tempo atras Parlamento di Aruba a ricibi e Nota di Comienso di Aña 2024 y hunto cu ne e prome Presupuesto Supletorio pa aña 2024 cu ta contene e cambionan den maneho cu ta rekeri aprobacion di Parlamento.

Un di e cambionan cu ta resalta t'e entrada extra cu a wordo realisa debi n'e mehoracion di cumplimiento di pago di belasting y crecimiento economico. Minister Maduro di Finansa ta informa cu entrada extra aki den Presupuesto 2024 lo wordo destina pa mehora e poder di compra di varios grupo den comunidad.

Indexering

Ta conoci cu Gobierno a yega na un acuerdo cu sindicatonan pa indexa e salario di e empleado publico pa mehora nan poder di compra. Un parti di e indexering lo tuma lugar den luna di juli 2024 y p'esey den e prome Presupuesto Supletorio 2024 ta aloca fondo p'e indexering aki.

Reparatietoeslag

Den e Presupuesto Supletorio tambe ta aloca fondo p'asina por brinda trahadonan cu ta gana menos di 2500 florin y e pensionadonan di SVB un subida di e reparatietoeslag.

Bijstand

Pa mehora e poder di compra di esnan mas vulnerabel den comunidad, den e Presupuesto Supletorio tambe ta aloca fondo p'asina por hisa e suma di bijstand p'esnan cu un limitacion.



Trahadonan di Fundacion subsidia

P'e trahadonan cu ta traha na Fundacionnan cu ta haya subsidio di Gobierno, den Presupuesto Supletorio lo pone fondo p'e Fundacionnan aki por ahusta e salario di nan trahadonan pa mehora nan poder di compra. E Fundacion subsidia pa Gobierno lo mester haci un peticion apart p'e fondo extra y esaki lo wordo duna bou e condicion cu e fondo por wordo uza solamente pa gasto di salario y no pa otro gasto di e fundacion.

Aprobacion di Parlamento

Minister Maduro ta spera cu Parlamento por aproba e prome Presupuesto Supletorio pa aña 2024 p'asina varios grupo den comunidad por keda yuda cu nan poder di compra.

Directora Joselin Croes di Gabinete di Aruba na Family day UNESCO



DIRECTORA di Gabinete di Aruba mr. Joselin Croes tabata presente na un UNESCO Family day na Utrecht. N'e ocasion aki a toca temanan di importancia di UNESCO n'e islanan pa loke ta herencia historico y cultural pero tambe discriminacion y libertad

di expresion.

Asina durante di e family day tabata tin un Masterclass riba e tema con ta combati discriminacion y racismo. Esaki a consecuencia di e mision di UNESCO pa igualdad y paz mundialmente. Bou guia di Marlon Titre di comision di UNESCO Nederland a tuma lugar un UNESCO Caribenan Quiz riba e rol di UNESCO den e parti Caribense di Reino Hulandes na unda a enfoca riba e aña conmemorativo riba e historia di esclavitud cu ta yegando su final.

Joselin tabata contento di tambe a topa cu studiantenan Joey Francisco y Imani Janga cu lo bay core stage na UNESCO Aruba. Relaciona cu esaki Joseline a topa cu Birgit Kreykenbohm, Program Specialist Communication and Information di UNESCO cu lo guia e studiantenan durante di nan stage.

RECETA DI DIA

Kalua Pig den Slowcooker

Aki bo tin un receta facil pa prepara Kalua Pig den un slowcooker

Ingrediente:

1 pia di porco (por ta cu of sin weso) di aproximadamente 2.5 p 3 kilo.

1 ½ cuchara di salo di lama (bo por uza koser salt si bo no haya salo di lama).

1 ½ cuchara di huma likido (liquid smoke) (Opcional). Si no tin por uza sason cu por aparenta e sabor na huma.

1 Cup di awa

2 blachi di banana (opcional, pero e ta dun'e un toke tradicional).

Instruccion:

1. Preparacion di e porco: Si bo ta uza blachi di banana, hawa nan bon y seca nan, despues pon'e den bom di e slowcooker.

* Haci e cortena superficial riba e pia di porco pa permiti cu e sabornan penetra miho.

2. Sasona:

* Frega e salo di lama uniformemente riba henter e superficie di e porco.

* Si bo dicidi uza huma likido, frega tambe riba e porco despues di e salo.

3. Cushina: Pone e pia di porco den e slowcooker lentamente riba e blachinan di banana (si bo ta uzando esaki). Basha e awa rond di e porco, no directamente riba dje. Si bo tin mas blachi di banana, bo por pone algun riba e porco.

4. China: Tapa e slowcooker lentamente y cushinanriba tempera tura abao durante 8-10 ora. E carni mester ta moli y bo por hul'e facilmente cu un forki.

5. Hila: Una bes cu e porco ta cushina, sac'e for di e slowcooker lentamente y hil'e cu dos forki. Bolbe pon e carni hila den e slowcooker y mescl'e cu e juicenan den dje.

6. Sirbi: Sirbi e Kalua Pig cayente. Tradicionalmente e ta wordo compaña pa aros blanco y coleslaw.

Y esey ta tur! Disfruta di bo dushi Kalua Pig casero.



Fortaleza pa Famia

Bo ta parti di luz, of bo ta parti di scuridad?

LUZ ta simbolo di salvacion, crecemento spiritual y discernimiento, luz semper ta briya riba scuridad, caminda tin luz scuridad y tur su compinchinan ta huy.

Nos ta bibando den un tempo caminda inmoralidad a bira negoshi, tur caminda inmoralidad ta busca pa drenta, y hende no ta tene cuenta mas cu Dios, no tin respet pa Dios, enbes di coregi maldad, nos ta mira cuanto hende ta apoya maldad, uzando hopi tipo di excuus.

- Ora un mayor tin un yiu cu ta cana den caminda di inmoralidad, impuresa, violencia, perversidad, habito contrali na Dios su boluntad, y e mayor ta bon na altura cu e tipo di bida ey ta aleha e yiu for di Dios y ta hibe den caminda di scuridad y perdicion, e mayor den su sano huicio no por apoya e tipo di bida ey, pasobra e ta hacie complice y piedra di tropieso pa su propio yiu, y e mes como mayor ta busca furia di Dios pa su hogar.

- E mayor ta responsabel, pa haci tur locual ta posibel pa muestra su yiu cu e ta den caminda robes y haci oracion constantemente pa Dios toca e yiu su curason p'asina e por aparta di tur clase di inmoralidad.

Pero ora e mayor duna OK na comportacion immoral, perversidad y impuresa, e ta duna aprobacion na scuridad den e yiu su bida, y den un palabra bisa e mes lo mira avance di e enemigo den su yiu su propio bida.

Hopi hende no sa e consecuencia di aprobacion di inmoralidad, violencia, uzo di alcohol etc., pasobra, nos ta bay mira cu e dolor lo afecta henter nos isla, pasobra degeneracion ta na caminda.

Uso di alcohol bao di nos hubentud, y mucha bao di 14 aña ta algo doloroso, tin caminda tin mucha di cu no a caba Lagere School, pero ya nan ta envolvi den bebemento, tin mucha cu ya conoce droga, y tin caminda inmoralidad y perversidad a ataca muchanan. Mayor tene cuenta.

Un otro banda esnan cu mester tuma un decision serio, ta haciendo wega cu Decencia di un pais, nan ta hunga bala empata e wega y laga e penalty den man di otro hende. Esun cu tin wowo lage mira, y esun cu tin horea lage tende.

Maldad y inmoralidad no ta repeta, nan no tin limite, nan



plan ta pa domina, pasobra tin un factor cu yama placa ta cana hunto cu maldad y inmoralidad, pasobra ora hende cay den tipo di scuridad asina nan no ta importa di unda placa lo bini, basta nan deseo wordo satisfice.

Ora nos entrega nos decencia, moralidad, etica, respet, pa compincheria, malicia y placa, nos ta entrega nos mes na scuridad, y ta keda un pregunta ki banda bo ta para? Parti di luz of parti di scuridad?

E ora ey Hesus a bolbe papia cu nan bisando: Ami t'e luz di mundo, esun cu sigui Mi lo no cana den scuridad, ma lo tin e luz di bida (Juan 8:12)

E lampi di bo curpa ta bo wowo, ora bo wowo ta bon, henter bo curpa ta yen di luz, ma ora cu e ta malo bo curpa tambe ta yen di scuridad (Lucas 11:34)

Nos tin awendia hende cu diabel a haci nan wowo scur, cu no por mira bon, y cu mester di liberacion pero tambe nos tin hende cu no kier sali for si scuridad. Pasobra segun nan manera di pensa scuridad ta felicidad.

A yega e momento cu nos mester tur mester cana den e luz di Hesus.

IN LOVING memory



Aurora
Royal Pray
Funeral Home & Crematory

Señor ta mi wardador, mi'n tin falta di nada
Den cunucu di yerba e ta ponemi sosega.
E ta hibami na awa trankil.
Pa mi bolbe haña forsa. - Salmo: 23

Cu dolor na nos curason; pero conforme cu
boluntad di Dios nos ta anuncia fayecimento di:

**Virginia Criskla
Maria Angela**

mihor conoci como: "Vilma"
*27-10-1954 †18-6-2024

Acto di entierro lo wordo anuncia despues.



Aurora
Royal Pray
Funeral Home & Crematory

Laga tur loke ta spera mi ta bunita
Laga tur locual cu mi
encontra na caminda ta bunita
Laga tur locual cu mi laga atras keda bunita y
Laga esakinan termina den tur buniteza.
Autor: Cado Wever.

Cu dolor na nos curason, nos ta participa
fayecimento di nos ser stima:

**Michael
Roland Dijkhoff**

Mihor conoci como "Maikel"
*31-07-1963 - †22-06-2024

Acto di despedida lo wordo anuncia despues



Aurora
Royal Pray
Funeral Home & Crematory

Lagrima y floran por seca pero Bo imagen,
Recuerdonan y locual Bo a significa pa nos
lo keda Semper bibo den nos Memoria y pa
Semper graba den nos Curazon.

Gradicimiento/Invitacion

Den nomber di famia nos kier a gradici cada un cu
a tuma nan tempo of di un of otro manera a muestra
atenshon y sosten durante dianan di fayecimiento y
entierro di nos defunto stima;

Maria Henricus-Geerman

Danki pa tur mensahenan via tur medionan di
comunicacion, tur esnan cu a manda carchi of krans
y tambe bishitanan personal, nos ta masha agradeci.
Tur esakinan a sirbi di gran consuelo pa nos.

Un danki special ta bay na: pastoor Jairo Maduro pa
su bunita respons, Sra. Lola Geerman pa su atenshon,
na personalnan di Huize Maristella, na Sr. Max Hasell
pa su bunita cancionan, Sr. Nelson Tromp y su
compañeronan di Mariachi Luna, y tur persona cu a
yuda den cualkier otro forma, Masha danki di curazon.
Danki na Aurora Funeral Home, especialmente Zulaika
Hodge pa e atencion y bon
servicio.

Ta invita pa asisti na 3 Santo Sacrificio di misa
cual lo tuma lugar riba; diamars 25 di Juni, diahuebs 27
di Juni y diasabra 29 di juni
pa 7'or anochi na misa Immaculada Concepcion na
Santa Cruz, y despues di misa diasabra 29 di Juni lo
bay tin un oracion na cas Macuarima 101-A.

Boso presencia ta keda altamente aprecia.

"Esnan cu nos a stima no ta laga nos, nan ta cana
banda di nos tur dia"



Aurora
Royal Pray
Funeral Home & Crematory

Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur buniteza.

Nos ta anuncia fayecimento di:

Rosiane Lubin

Mihor conoci como: "Nain"
*20-04-1945 - †15-06-2024

Acto di entierro lo wordo anuncia despues



Aurora
Royal Pray
Funeral Home & Crematory

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".
Salmo: 23

Cu hopi tristesa pero conforme cu boluntad di
Dios nos ta anuncia cu a bay laga nos den brasa
di Señor

Feng, Jingyue

*01-02-1973 - †20-06-2024

Casa: Hou, Qunying

Yiunan: Feng, Jinxiang
Feng, Yuping

Ruman: Feng, Chaoli,
Feng, Chaogun
Feng, Chaoyi
Feng, Weiyue

Subrino(a)nan: Feng Nianxiang
Feng, Yuci

Cuña: Feng, Wanlan

Primo(a)nan, amigo y conocinan, bisiñanan

Ta invita pa acto di despedida cu lo tuma lugar
diamars 25 di juni 2024 na Aurora Funeral Home di 2'or
pa 4'or di atardi.

Acto di cremashon lo tuma lugar den seno
familiar. Despues di cremashon no ta ricibi bishiti di
condolencia na cas.

Nos disculpa si den nos tristesa nos por a lubida
cualkier persona.



Aurora
Royal Pray
Funeral Home & Crematory

"Dios ta amor... y amor ta Dios,
maske mi no ta na e mundo aki, tur dia lo mi
ta banda di boso Curazon, mi por stens di loke
Señor ta hasi". - Salmo 33

Ta anuncia fayecimento di:

Alexander F. Moore

*06-05-1968 - †20-06-2024

Acto di despedida lo wordo anuncia despues

Plachi pa graaf



Porcelana, granite of marble

- ✓ No ta cobra extra pa letter
- ✓ Servicio Rapido
- ✓ Installacion
- ✓ Material di Calidad
- ✓ Design

☎ 6990495



www.laycro.com



Gradicimento / Invitacion

Na number di famia nan nos kier a gradici cada un cu a tuma nan tempo pa a bin dispidi di nos ser stima:

Lisanne G.M. Tromp-Dijkhoff
"Liesje"

Boso muestra di atencion ta di hopi aprecio y un gran sosten pa nos. Un danki na un y tur cu a manda carchi, krans, whatsapp, email y a hasi yamada nan telefonico. Tambe na Aurora Funeral Home pa cu su bon servicio y atencion.

Un danki di curazon na staff y personal di Dr. Horacio Oduber Hospitaal di piso B4 y tambe na e team di Dialyse. Na su coleganan di Divi & Tamartijn all Inclusive pa nan atencion y tambe Sr. Michael Blom y prima Claudia Kock. Boso sosten tabata un consuelo pa nos.

Ta invita pa asisti na 3 Santo Sacrificio di misa cual lo tuma lugar na:
24 di juni 2024 na Misa Santa Anna na Noord pa 6:30 pm
25 di juni 2024 na Kapel di Alto Vista pa 5:30 pm
26 di juni 2024 na Misa Santa Anna na Noord pa 6:30 pm

Bo(so) presencia lo ta altamente aprecia.



Señor ta mi wardador, min tin falta di nada.
Den cunucu di yerba berde e ta pone mi sosega. E ta hiba mi na awa trankil.
Pa mi bolbe haya forsa
Salmo 23

Cu tristesa den nos curason pero conforme cu bolontad di Dios, nos ta anuncia fayecimento di nos Ruman, Tanta y Prima:

Sra. Vda. Bertha Maduro Thiel
* 11 mei 1934 – †20 juni 2024

Na number di su:

Rumanan:
Emelina Thiel
Mathias y Mina Thiel – Caster
Sr Vdo Simeon Thiel y †Filomena Geerman,
Sra Vda Violeta Lampe Croes y Famia
Damaso Thiel
Esteban y Gretha Thiel-Dirksz
†Rumannan den felis Memoria

Sobrina y sobrinonan, primo y primanan, ihanan

Demas Famia: Thiel, Caster, Kock, Maduro, Croes, Klooster, Dirksz, Dap, Koolman, Geerman, Fawcett, Gomes, Werleman, Booukhoudt, Perez.

Oportunidad pa condolencia y despedida lo tuma lugar **dianrason 26 di Juni 2024** di 9.00 pa 11.00 am na Aurora Funeral Home.

Cremashon lo tuma lugar den seno familiar.

Disculpa nos si den nos tristesa nos por a lubida algun familiar, amigo of cono-



Señor ta mi wardador, mi no tin falta di nada.
Salmo:23

Conforme cu boluntad di Dios nos ta participa fayecimento di nos casa, mama, wela y bisa wela stima:

Gloria Lesire Nedd
Naci na Aruba
*31-10-1951 - +19-6-2024

Na number di su
Esposo: Lionel A.Nedd

Yuinan: Trevor Nedd Y Micheline Solognier
Suelaica Nedd

Manera Yui: Melania Heyliger
Mayra Le Grand

Nieto y Nietanan: Aleasha Nedd
Alanis Nedd y Pareha
Treshka Nedd y Pareha
Jahim Richardson y Pareha
Jahkeasha Richardson y Pareha
Trevor Jr Nedd
Angely Nedd y Yui nan

Bisanieto y Bisanietanan: Alizienne Richards
Alikay Richards
Jahrwin Croes
Jahnaya Richardson

Rumannan:
Aurelio Gonzalez y Yui nan
Gladys Lesire y Yui nan
Gregory Jullien y Yui nan

Tanta Y Omonan:
Ofelia Gonzalez y Yui nan
Armando Gonzalez y Yui nan
Auristella Gonzalez y Yui nan
Alberto Gonzalez y Yui nan
Yolanda Gonzalez y Yui nan
Imelda Gonzalez y Yui nan
Irma Lesire y Yui nan
Dina Lesire y Yui nan

Subrino y subrina-, primo y prima-, swa y Cuña-, comer y comper- y iha -nan.

Mihor Amiganan:
Monica Diddy
Joyce Schoop
Melly Richards

Bon Bisiñanan:
Edwina Croes
Le y Dela Erasmus

Compañero nan di Funari y cono-

Danki especial na Wilhelmina KankerFonds y na Symea Violenes pa tur apoyo ricibi.

Demas famia: Na Hulanda, Na St.Maarten, Nedd, Lesire, Gonzalez, Richardson, Richards, Croes, Gordon, Jullien, Priest, Wilson, Gomez, Koc, Pieternella, Thokaai, Castillo, Holmond, Phillips, Patrick, Heyliger, Le Grand, Martis, Williams, Harris, Cijntje, Diddy, Laban, Doran, Duinker, Charles, Solognier, Ridderstap, Commenencia, Toussaint, Bruisma, Cazenave, Sarkam, Dania, Wijman, Buikhuizen, Smith.

Nos disculpa si den nos tristeza nos por a lubida algun persona of famia.

Ta invita demas famia, bisiña, amigo, amiga y cono-
cir nan pa condolencia cual ta tuma lugar **Diahuebs 27 Juni 2024** na Pray Funeral Home y entierro cual lo tuma lugar **Diabierne 28 juni 2024** na Pray Funeral Home.

Despues di entierro nos no ta risibi bishita di condolencia na cas.

Nos ta pidi pa, si lo kier honra e difunto, por fabor no manda krans ni flor, Si lo kier hasi algo special por hasi un donashon na funari.

Lo tin un caha special di funari na Pray pa esnan cu kier hasi un donashon.



"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".
Salmo: 23

Cu inmenso tristesa den nos curazon pero conforme cu boluntad di señor, nos ta anuncia fallecimiento di nos mama, wela, ruman y tanta stima

Gerarda Alicia Suarez-Dania

Mihor conoci como Ada di Pampi y Oma Ada
*31-07-1940 - †21-06-2024

Na number di su:

Yiunan:
Fabiola Dania
Victor y Maureen Suarez-Odor na Hulanda
Erold Suarez
Soraída Suarez
Mildred (Mimi) y Franklin Peña
Magaly (Ali) Suarez

Rumannan:
Elvira Dania
Rudolf y Sita Dania y famia
Lourdes y Orlando Villacis
Erwin y Lucía Dania y famia

Nietonan:
Louise-Ann Suarez y famia, Joell Suarez y Suhailly Fortin y famia, Nicole y Trevor Dovermann y famia, Angelique Suarez y yiunan, Jeremy Paesch, Stephany Paesch, Ulrich Peña y Justin Peña.

Bisanietonan:
Ilaisha, Zion, Luigi-Ann, Ludmar, Daily, Jullienne, Jody, Luisa, Derrel, Caitlynn, Thyrell, Anthony y Reymi-Leen

Taranietonan:
Isheyne y Ishma-Ellie

Cuñanan:
Ysabel Arias y famia, Filomena(Mena) Suarez y famia, Marcolina Maduro y famia

Manera yiu:
Gelou Wever y famia

Amiga di semper:
Elodia Semeleer na Curacao

Tanta, subrina y subrinonan, prima y primonan, comer y compernan, lhanan, su bisiñanan di Weg Rooi Hundo y PosChiquito, amiga y amigonan, famianan na Curacao, Bonaire, Hulanda y demas famia y cono-

Famianan:
Suarez, Dania, Odor, Paesch, Peña, Villacis, Danje, Dovermann, Fortin, McDougal, Wanga, Fingal, Koolman, Kelkboom, Wever, Trinidad, Windster, Semeleer, Werleman, Kelly, Ridderstap, Wong, Gomez, Barkmeyer, De Lange, Hoek, Loeffstop, Loopstock, Ras, Maduro, Helder, Willems, Silvestre, Wout, Alberts, Robert, Henricus, Desbarida, Kock, Arias

Acto di condolencia y entierro lo tuma lugar **diahuebs, 27 di juni 2024** na Misa Cristo Rey na Brazil y despues pa Santana na Sabana Basora.

E restonan mortal di nos defunto stima Ada lo ta reposa for di 2pm den Misa Cristo Rey na Brazil

Si den nos tristesa nos a lubida algun familiar nos disculpa pa cu esaki.



Den cunucu di yerba berde E ta ponemi sosega
E ta hibami na awanan trankil pa mi sosega
Salmo 23 :2

Conforme cu boluntad di SEÑOR nos ta anuncia
fayecimento di:

Joseph Wilbert
Stanley Pourrier
*11-09-1961 - † 17-06-2024

Yui di: Everardo y Regina Pourrier
Na bida: Voorzitter di PEVESA, Miembro di
fundacion STT,
Ex Miembro di directiva STT

Na number di su
Yiunan stima:
Stelyan Pourrier y Cedric W
Starling Pourrier y Jesus R
Stenlis Pourrier y Walter P
Ruthline Jullienne Lue y Darring O

Nietonan:
Liondrick, Jaydrick y Jaironn

Rumannan:
†Severino Pourrier y Famia
†Ramona Dorcas y Famia
†Filomena de Windt y Famia
Sonia Herde y Famia
Ludwina Pieters y Famia
Judith Pourrier y Famia
†Maria Pourrier
Jesus Martines Pourrier
†Magda Arrindell y Famia
†Ramon Pourrier
Steven Pourrier
Ceraldine Davelaar y Famia

Ex- casa:
Odalís Orman y yiunan Richenella y Sholyan

Tanta:
Margot Thode y Famia

Demas famia, subrino y subrinanan, primo y
primanan, swa y cuñanan
Gerencia, Staff y Personal di Setar N.V.

Su coleganan di afdeling RBTS, afdeling Algemene
Dienst, Afdeling Account management, afdeling di
HR y di Marketing, Afdeling di PK y OSP

Su bon amigonan di High Performance y
Valentinos, Amigonan di Sams Store, di Secure
Logiq, amigonan di Avigilon

Su bon amigo y amiganan di cas cu semper a
yud'e , sostiene y semper tawata tey p'e, cu ta
mucho hopi pa menciona, su bisiñanan y demas
amistadnan.

Famia y amigonan na Boneiro, Curacao, Merca y
Hulanda

Famia: Pourrier, Orman, Tromp, Dorcas, De Windt,
Pieters, Wernet, Davelaar, Arrindell, van der Blonk,
Llanez, Jansen, Gomez, Keteldijk, Croes, Vrolijk,
Quant, de Windt, Maduro y Thode.

Condolencia ta tuma lugar **dialuna, 24 juni 2024** na
Aurora Funeral Home, di 7:00 pm pa 9:00 pm.

Acto di despedida lo tuma lugar **Diamars, 25 juni
2024** di 9:00 a.m. pa 11:00 a.m, na Aurora Funeral
Home, sigui pa cremacion den seno familiar.

Nos ta lamenta cu despues di entierro nos no por
ricibi bishita di condolencia na cas.

Nos ta pidi disculpa si den nos tristesa nos por a
lubida un of otro persona.

Como Stanley ta un hende alegre nos lo desea pa
tur atendido bisti na color.



Señor ta mi wardador, mi'n tin falta di nada
Den cunucu di yerba e ta ponemi sosega.
E ta hibami na awa trankil.
Pa mi bolbe haña forsa.
Salmo: 23

Cu hopi tristesa na nos curason pero
agradecido pa tur loke nos a comparti cune,
nos ta anuncia fayecimento di nos casa, tata,
welo, ruman, omo y amigo:

Felix Rufino Croes
Mihor conoci como Feli
*07 november 1937 - † 23 juni 2024

Na number di su:
Esposa:
Reina Croes-Hernandez

Yiunan:
Edgar y Yosmar Croes-Heide
Eugene y Lori Pick

Nietonan:
Ziyon y Zavianna Croes

Bon amigonan di famia:
Ben y Carla van Welie

Rumanan:
Lucy y Raymond Kelly
† Edwin y Jolanda Croes y famia
Lucas y † Glenda Croes y famia
† Sila Croes
Livia y Dolf Boekhoudt y famia

Swa y cuñanan:
† Mai & † Nini Hernandez y famia
† Roman y Rosa Hernandez y famia
† Chimbo y † Betty Hernandez y famia
† Rosa y † Eddy Lacle y famia
Sai y Dora Hernandez y famia
Ina y Nick de Mey y famia
† Candy y Carmen Hernandez y famia

Iha y Ihanan
Primo y primanan
Comer y Comper
Bisinjanan

Demas famia:
Croes, Hernandez, Heide, Pick, De Mey,
Lacle, Feliciano, Croeze, Boekhoudt,
Erasmus, Gomez, Kelly, van Welie.

Condolencia ta tuma lugar **diaranson
26 Juni, 2024**, di 7or pa 9or di anochi na
Aurora Funeral Home.

Acto di despedida lo tuma lugar **Diahuebs,
27 Juni 2024** di 9or pa 11or di mainta na
Aurora Funeral Home, sigui pa cremashon
den seno familiar.

Gradicimento ta bai tambe na tur
enfermera di WGK, Edmund Harms y en
especial Carol pa e sosten duna durante e
ultimo lunanan.

Na lugar di flor of krans un donashon pa
Edmund Harms foundation lo ta altamente
aprecia.

Nos ta lamenta cu despues di entierro nos
no por ricibi bishita di condolencia na cas.

“Señor ta mi Wardador, mi'n tin falta di nada; Den cunuku
di yerba berde, E ta pone mi sosega.
E ta hiba mi na awa trankil, pa mi bolbe haña forsa. E ta
guiami den caminda drechi fiel na su number.” Salmo 23

Cu profundo tristesa den nos curason, pero agradecido
na Señor pa tur locual e la haci y significa pa nos, nos ta
anuncia cu a bay sosega den brasa di Señor, nos mama,
ruman y tanta stima:

Mi mamá:
**Juana Dionisia
Fernández**
*02-10-1952- † 15-06-2024



Na Number di su :
Yiunan:
Maricarmen Batista Fernández (New York)
Rachel Estephanie Mercelita y casa José Miguel
Abreu Cerda

Nietonan:
Tiffany Miguelis mercelita
Johanny Rachel Abreu cerda
Cherelyn Mercedes grullon Batista(New York)
Iam Emilio Grullon Batista (New York)

Rumannan:
Rafael Fernandez y casa Paola Cepeda (Rep.dom)
†Juan Bautista Caba
Nereyda, Rubén, Lourdes,chica Fernández (New
York)
Monchi Fernández y Antonio Fernández, José
Fernández, bienvenido Fernández (Rep.Dom)
Argentina Fernández (New York)
Rosa Fernández (New York)

Sobrinonan:
Noel Caba, Noelia Caba, Jonathan Caba, Joana Caba
y demás sobrinonan

Amistadnan:
Fiola, Felicia, Chula, Papo, Auri, Santa, Daini,
Pastor Leo Y Casa, Elvira, Luz Del Carmen (Rep.
Dom)y demas amistadnan

Y demas famia y amistadnan cu ta mucho hopi pa
menciona.
Nos ta pidi disculpa si den nos tristesa a lubida algun
famia of amistad.

Acto di Despedida lo tuma lugar: **Diamars 25 Juni
'24** di 2:00pm pa 4:00pm na The Olive Tree Funeral
Care & Crematory Na Piedra Plat.
Depues di despedida nos lo no ricibi bishita di
condolencia na cas.



Mi Dios, Mi Señor, Mi Salbador
Cu Bo amor infinito tenemi den Bo braza
Ya no tin scuridad
Unicamente Bo Luz briyando

Cu dolor na nos curason, nos ta participa
fayecimento di nos ser stima:

Harold I. Roos
Mihor conoci como "Ivan"
*08-10-1960 - †19-06-2024

Acto di despedida lo wordo anuncia despues



E DIFERENCIA DEN NOTICIA

Scan nos QR code y bira abonado di AWEMainta

Completamente GRATIS

1: Usando bo camera di telefon,
scan nos QR code na banda.

2. Bay riba "Show Options",
"Open in browser".

3. Yena e formulario.

**Haya AWEMainta
tur dia den bo inbox!**



www.awemainta.com



www.facebook.com/AWEMainta



5880022



noticia@awemainta.com
aviso@awemainta.com